



ოკუპირებული სახლიტეკო, სამეცნიერო და სალიტ. გაზეთი

№ 6

29 ივნისი 1908 წ.

ფასი 10 კ.

შინაარსი: ნაცია ისტორიის გზაზე, **ონ—ისა.**—სხვა—და—სხვა ამბები ჩვენში და რუსეთში. ცოტა რამ საზღვარ-გარეთის სამღვდ-
ლოებაზე (წერილი ვენიდან), **მ. მგალობლიშვილის.**—ალანის ველი (ლეკსი), **ს. ლანდისა.**—ჟურნალ-გაზეთებიდან.—პროვინცია.—
მასწავლებელი (მოთხ.), **მ. პარტენაშვილისა.**—ხმა სოფლის მასწავლებლისა, **ტესი.**—შენიშვნა, **არისტიდისა.**—მანცხადება.

„ჩვენი კვალის“ რედაქცია აცხადებს
პროვინციის ხელის მომწერთა და კორესპოდენტების
საყურადღებოთ, რომ ფული და წერილები გამოგზავნონ
ამადრესით: **Тифлисть Книжный магазинъ „Сорапанъ“**
Рахиль Каландадзе. წინააღმდეგ შემთხვევაში ფული
და წერილები ვერ მიიღწევს თავის მიზანს.

ჩვენი თანამშრომელი დოქტ. **ივ. გომარტელი** დროებით
პეტერბურგში წავიდა.

III. ნაცია ისტორიის გზაზე.

1.

პირვანდელ კომუნიზმისა, მონობისა და ფეოდალიზმის ხანაში

ნაცია ისახება საკაცობრიო განვითარების იმავე სა-
ფეხურზე, რომელზედაც ისახება ადამიანთა თვით საზო-
გადობრივი ცხოვრება, ამ სიტყვის ნამდვილი მნიშვნე-
ლობით; ე. ი. როდესაც ადამიანთა არსებობის უმთავრეს
წყაროთ ხდება **შრომა.** უკანასკნელი პირველიდანვე
ჩნდება, როგორც რამოდენიმე ადამიანის შეთანხმებულ-
შეერთებული მოქმედება ამა თუ იმ საარსებო მოთხოვ-
ნილების დასაკმაყოფილებლათ, და არა როგორც გან-

კერძოებულ ადამიანის განკერძოებული საქმიანობა. ასე
რომ საზოგადოებრივი შრომა, საფუძველი საზოგადოებ-
რივი ცხოვრებისა, საფუძველია აგრეთვე ნაციის წარმო-
შობისა.

პირვანდელი საზოგადოება, როგორც ვიცით, წარ-
მოადგენს საგვარეულოთა ჯგუფებს ანუ უკეთ კავშირებს,
რასაც ეწოდება ტომი. საგვარეულო არის ერთი დიდი
ოჯახი, ან კრებული იმ პირთა, რომელნიც ერთ და იმავე
მშობლებისაგან არიან წარმოშობილნი. როდესაც ერთი
საგვარეულო საკმაოთ მრავალ-რიცხოვანი ხდება, იგი
იყოფა; მისგან გასული ჯგუფი ცალკე საგვარეულოს აღ-
გენს. თავის მხრივ ტომიც გამრავლებასთან ერთად ნა-
წილდება ტომებათ. თავის-თავად ცხადია, რომ საგვარე-
ულოს შიგნით და საგვარეულოთა შორის საკმაოთ ხშირი
და მჭიდრო ურთიერთობაა. აქ საერთოა შრომა, ნაშრო-
მით სარგებლობა, სიამოვნება—დღესასწაულები, მტერ-
თან ბრძოლა და სხ. ტომთა შორის კი ურთიერთობა
უფრო ბოში, უფრო იშვიათია. ზოგჯერ ეს ურთიერთობა
სრულიად სწყება, მაგრამ ზოგჯერ ტომები უფრო და
უფრო უახლოვდებიან ერთმანეთს და საერთო კავშირს
აღგენენ; ამის გამომწვევია გარეშე მტერთან ბრძოლა
და ან ბრძოლა ბუნების რაიმე ძლიერ მოვლენებთან.
ასეთი შემთხვევები როცა ხშირათ მეორდებიან, ტომთა

კავშირი ხდება მუდმივი, რამდენიმე ტომი იქცევა ერთ ხალხად, ერთ ნაციად.

თქმა არ უნდა, რომ პირველყოფილი ნაცია არ არის ერთ განსაზღვრულ ტერიტორიასთან მჭიდროდ შეკავშირებული. ამას ჯერ არ მოითხოვს საზოგადოებრივი შრომის ვითარება. ხალხის უმთავრესი საცხოვრებელია თევზაობა, ნადირობა, მწყემსობა—საქონლის მოშენება. ამიტომ იძულებულნი არიან ერთი ადგილიდან მეორეზე გადასვლა-გადმოსვლას, მომთაბარეობას, ან მდინარისა და ზღვის პირათ მოგზაურობას—გარემოებისა და სეზონის მიხედვით. აქ ხალხის ერთობა, უწინარეს ყოვლისა დამყარებულია საერთო ჩამომავლობა-გვარტომობაზე, სისხლის ნათესაობაზე. მარა აქ უკვე მოიპოვება სხვა, წმინდა სულიერი, ერთობაც. უკვე არსებობს რამოდენათმე საერთო ენა, საერთო რელიგიოზური წარმოდგენანი, საერთო შეხედულება ზნეობასა და უზნეობაზე, დანაშაულობაზე და მოვალეობაზე და სხ. და სხ. ერთი სიტყვით არის სულიერი კულტურის ელემენტები, რაიც საუკუნოების განმავლობაში ერთი თაობიდან მეორეზე გადაცემის ფიზიკურ თვისებებთან ერთად. იმ დროის საზოგადოებრივი შრომის წეს-რიგი, რასაც ეწოდება პირვანდელი კომუნიზმი, ე. ი. საერთო შრომა და საერთო ნაშრომით თანასწორი სარგებლობა, რასაკვირველია, ჰბადებს შესაფერ ტიპს ადამიანისას. „თუ როგორ ვაყვაცებს და როგორ ქალებს წარმოშობს ასეთი საზოგადოება, — ამბობს ენგელსი—ამას კარგათ მოწმობს ყველა თეთრების (ევროპელების) განცვიფრება წინაშე გაუფუჭებელ ინდიელებისა; ამ ბარბაროსების პირადი ღირსება, პირდაპირობა, ხასიათის სიმტკიცე და მამაცობა ყველას საოცრათა აქვს. მამაცობის მაგალითები ამას წინადაც ვნახეთ აფრიკაში. ზულუსებმა, რამდენიმე წლის წინათ, როგორც ნუბიელებმა, ამ ორი თვის წინათ,—ამ ორივე ტომში ჯერაც არ გამქრალა საგვარეულო წყობილება—ამათ ჩაიდინეს ის, რასაც ვერ შეიძლება ვერც ერთი ევროპელი ჯარი. ხელჩართულ ომში მთელ ქვეყანაზე სახელ-განთქმულ ინგლისის ქვეითა ჯარი იმათ „მაგაზინის“ თოფებით უშენდა ტყვიის სეტყვას და ისინი კი (ზულუსები) უთოფოთ, შეიარაღებულნი მხოლოდ შუბებითა და შვილდ-ისრებით მიდიოდნენ მოწინააღმდეგეთა თვით შტიკებადის და, მიუხედავად შეიარაღების ასეთ კოლოსალურ უთანასწორობისა, არა ერთხელ მოახდენდნენ ინგლისის ქვეითა ჯარის არევ-დარევას და უკუ-ქცევას... „იმის (კაფრის—სამხრეთ აფრიკელია) თითქმის, თვით მცირედი მუსკული გამოჩენილია, გამოწრობილი და მაგარი, ვით ქაპანი...“) პირველ ყოფილი, კომუნიტური საზოგადოება, არ მცოდნე სიმდიდრე-სი-

ღარიბისა და მონობისა, რასაკვირველია, ადამიანებს უვითარებს თავისუფლებისადმი სიყვარულს, უნერგავს გრძნობას სოლიდარობის და ძმობისას.*)

მაგრამ აქ ჩვენ სახეში არა გვაქვს მკითხველს განუმატოთ, თუ სახელდობრ როგორ ხასიათს უვითარებს ნაციას სხვა და სხვა საზოგადოებრივი წყობილება. ამ წერილში ჩვენ აღენიშნათ მარტო იმ საერთო გზის, რომლითაც მიდის ნაციებისა და მათი ნაციონალურ ხასიათის განვითარება.

მაშ დავიხსოვოთ, რომ პირველყოფილ კომუნიზმის დროს უკვე მოიპოვება კულტურული ელემენტები, რომლის ერთობა ჰქმნის ხასიათის ერთობას, რაიც თავის მხრივ ხალხსა ჰქმნის ერთ ნაციად. ხოლო ეს კულტურული ერთობა კი სავსებით დაყრდნობილია ჩამომავლობის, ნათესაობის ერთობაზე. საკმაოა ხალხის რომელიმე ნაწილებ შორის შეწყდეს ქორწინება, რომ უმაღლეს გაჩნდეს დაშორების და განსხვავების ტენდენცია; ეს ნაწილები იწყებენ განსაკუთრებულ ფიზიკურ ტიპის შემუშავებას, ჩნდება განსაკუთრებული კილოკავი, განსაკუთრებული კულტურული ელემენტები, ერთი სიტყვით იწყება ახალი ნაციის განვითარება და კიდევაც ჩნდება ახალი ნაცია, უკეთეს საერთო ჩამომავლობის მექანე, მარა დაშორებული ნაწილები, კვლავ არ დაუახლოვდებიან რაიმე გარემოების წყალობით, როგორც მაგ. საერთო გარეშე მტერთან ბრძოლის საპირობა და სხ. ამ გვარათ, როდესაც კულტურა ჯერ სუსტად არის განვითარებული, როდესაც ერი წარმოადგენს უფრო ბუნებრივ, ჩამომავლობითი ერთობას, ვინემ კულტურულ ერთობას, ასეთი ერი თავის საშოშივე ატარებს ნაციონალურ დაშლა-დარღვევის ელემენტებს.

მაგრამ კულტურა თან და თან ვითარდება, უფრო და უფრო დიდ მნიშვნელოვან როლს იჭერს და შეუძლებლად ხდის ნაციის დარღვევას იმის დაგვარათ, როგორც ვითარდება საზოგადოებრივი ცხოვრება, რასაც, როგორცა ვთქვი, აწარმოებს საზოგადოებრივი შრომის განვითარება.

მიწათ-მოქმედება, რომელიც ისახება აგრეთვე პირველყოფილ კომუნიზმის დროს, თან და თან წარმატებაში მიდის და ბოლოს ხდება საზოგადოების არსებობის უმთავრეს წყაროთ. შრომა უკვე იმდენ ნაყოფიერებას აღწევს, რომ ადამიანის ნაწარმოები აღემატება იმას, რაც საჭიროა პირადად მშრომელის სარჩენათ. სასარგებლო ხდება ომში დატყვევებულთა მუშა-ხელოთ გადაცემა. მონების გაჩენა კიდევ უფრო ანაყოფიერებს შრომას, მატულობს ქონება-სიმდიდრე, რაიც მეზობელ ხალხთა შორის აძლიერებს მტაცებლობის სურვილს, მატულობს

*) იხ. ფრ. ენგელსის „Происхождение семьи, частной собственности и государства“ გვ. 83-4. აქ აღნიშნული მაგალითი დიდთ საგულისხმოა. თუ აფრიკის ველურებიც კი ასეთი თავგანწირულებით ეკვეთებიან მაღალ კულტურასან ინგლისელებს, ცხადია, ის აზრი, ვითომ როდესაც მაღალი კულტურა დაბალში შედის, იქ ხალხი მწარეთ აღარ განიცდის ეროვნულ მონობის ტანჯვა-მწუხარებასო, ეს აზრი ცხადია ზოგიერთ ქურნალის ტის... შეცდომა უნდა იყოს.

*) სხვათა შორის, ნ. ზიბერს მოყავს ასეთი მაგალითი. ევროპელი მგზავრი ერთ დასს ველურებისას შესთავაზებს ბოთლ ლიკორს. ველურები მოირიბებენ ბოთლს. მაგრამ აი ველური ხედავს, რომ უკანასკნელ ამხანაგისთვის სასმელი აღარა რჩება; იგი თავის წილს სრულად აღარ ყლაპავს, პირში დაიგუბებს და პირიდან ასმევს ბოლოს დარჩენილ ამხანაგს. („Очерки первобытной культуры.“)

ომიანობის საბაზი თუ მიზეზი, ხშირდება და მწვავედება თვით ომიანობაც. მაგრამ ტექნიკა უკვე იმდენათ განვითარებულია, რომ სამუშაო იარაღები აღარ გამოდგება სამართ. ომში გასასვლელათ საჭიროა განსაკუთრებული შეიარაღება. გარდა ამისა, მეურნეობის ხანგრძლივით მიტოვება იმდენათ ახდენს საქმეს, რომ განსაკუთრებული ავადებს თვით მეურნისა და მის ოჯახობის არსებობას; მეურნე ერთიანათ მიკერებულა სამუშაო მიწაზე და მთელი ხალხი—განსაზღვრულ ტერიტორიაზე. ამ ტერიტორიის და ქონება-სიმდიდრის დასაცავათ ჩნდება განსაკუთრებული კატეგორია ადამიანთა (სამხედრო წოდება), რომელთაც ამ საპატიო სამსახურისათვის მეურნე კმაყოფილებით აძლავენ საჭირო სარჩო-საბადებელს. კლასებისა და სპეციალობის, პროფესიების გაჩენა, რასაკვირველია, ჰბადებს ინტერესთა წინააღმდეგობასაც, ათასგვარ დავი-დარაბას, ართულებს საზოგადოებრივ ურთიერთობას, ართულებს და ხლართავს მართვა-გამგეობის საქმეს. ამ საზოგადო საქმეების გასაძლელათ საჭირო ხდება განსაკუთრებული ცოდნა, გამოცდილება და უნარი. ამ საქმეებისათვის გლეხებს ეკარგებათ სურვილიცა და საშუალებაც. ამიტომ გამგეობა, მოსამართლეობა, კანონმდებლობა და თვით რელიგიოზური ფუნქციების ასრულება გადადის განსაკუთრებულ, სპეციალურ კატეგორიის ადამიანთა ხელში. ასე წარმოიშობება არისტოკრატია და სამღვდლოება; ამათი სიმდიდრე, ძალა და გავლენა უფრო და უფრო იზრდება, იზრდება და ვითარდება მათი ცოდნა და გამოცდილებაც. მათ არ სჭირდებათ ფიზიკური მუშაობა; მათ ბევრი თავისუფალი დრო აქვთ აზრისა და გრძნობის სავარჯიშოთ და განსავითარებლათ. ხელოვნება, ფილოსოფია და მთელი სულიერი კულტურა იმათ ხელშია, ისინი აწარმოებენ ნაციის სულიერ განვითარებას.

საშუალო საუკუნოების ეკონომიური და სოციალ-პოლიტიკური წყობილება, ბატონ-ყმურ-ფეოდალური ცხოვრება, იმ დროის საზღაპრო კარ-ჩაკეტილობა კარგათ არის ცნობილი. თვითყული სოფელი თუ თემი სრულიად დამოუკიდებელი ერთეულია, რადგან საკუთარი ძალღონით იკმაყოფილებს თავის ყოველგვარ საჭიროება-მოთხოვნილებებს. თვითყულ რაიონის მებატონე პატარა მეფეა თავის საბრძანებელში; იგია თავის ქვეშევრდომთა ერთად-ერთი მოსამართლე, კანონ-მდებელი და მმართველი; იგივეა ჯარის უფროსი, მთავარ-სარდალ. საკმაოთ განვითარებული ხელოსნობა რამოდენათმე იწვევს ნაწარმოებთა გაცვლა-გამოცვლას, აღებ-მიცემობას სამიმოსვლო გზებ.ს მხრივ განსაკუთრებულათ მარჯვე ადგილი, ვინმე საერო თუ სასულიერო ფეოდალის სასახლის მახლობლათ, იქცევა სავაჭრო პუნქტათ. აქ გროვდება საკმაოთ თვალ-წარმტაცი სიმდიდრე, რის დასაცავათ საჭირო ხდება ციხე—გალავანის გაკეთება. ასე შენდება ქალაქი. აქ თავს იყრიან საუკეთესო ხელოსნები, რომელნიც ეწყობიან ამქრებათ. ამათ ნაწარმოებით სარგებლობენ როგორც ქალაქის მცხოვრებნი, ისე ახლო-მახლო მდე-

ბარე სოფლები. ზოგჯერ სოფლიდან ქალაქში მიაქვთ ნედლი, დასამუშავებელი მასალა. მაგრამ ქალაქსა და სოფელ შორის ურთიერთობა მაინც მეტათ სუსტია. ქალაქის ნაწარმოების მომხმარებელი განსაკუთრებით თავად-აზნაურობაა. გლეხები საკუთარი ნაწარმოებით იკმაყოფილებენ ყველა თავის მოთხოვნილებებს. ხალხის საარსებო წყარო უმთავრესად მიწათ-მოქმედებაა, სოფლის მეურნეობაა და ისიც ნატურალური მეურნეობა, ე. ი. წარმოება თავის საკუთარ მოთხოვნილებათა დასაკმაყოფილებლათ. ამიტომაც, თითქმის მთელ ფეოდალურ ეპოქის განმავლობაში, რომლის ქვეკუთხედია გლეხური და ხელოსნური ფორმა წარმოებისა, აღნიშნული კარ-ჩაკეტილობა ხელ-უხლებელი რჩება. გლეხისა თუ ხელოსნისათვის თითქმის მთელი ქვეყანა თავდება იმის სოფლისა თუ ქალაქის საზღვრებთან. ამ დამოუკიდებელ თემთა შეერთებას და ისიც დროებით იწვევს მხოლოდ გარეშე მტერთან ანუ შეიძლება აგრეთვე ბუნებასთან ბრძოლა. მუდმივი ურთიერთობა კი აქ არ არსებობს. მაგრამ თუ მშრომელი ხალხი, დანაწილებული დამოუკიდებელ სოფლებათ და ქალაქებათ დაშორებული თითქმის განცალკევებულია ერთმანეთისაგან, ესევე არ ითქმის მაღალ და პრივილეგიან წოდების ხალხზე, თავად-აზნაურობასა და სამღვდლოებაზე. ეს ბატონები ხშირათ ხდებიან ერთმანეთს როგორც ომიანობის, ისე მშვიდობიანობის დროს. მათ შორის მიმოსვლას ამტკიცებს და მჭიდრო კავშირს აბამს მწერლობა, პოეზია, ხელოვნება, ფილოსოფია და სხ. მაღალი წოდების ბატონებივე არიან მატარებელნი და პირდაპირი შემოქმედნი მთელ სულიერ ნაციონალურ კულტურისა; ამაში თითქმის არავითარ პირდაპირ მონაწილეობას არ იღებს მშრომელი ხალხი; იგი, ასე ვთქვათ, გარიყულია ნაციონალურ კულტურიდან, მას სამისოთ არა აქვს დრო, რადგან დიდიდან სადამომდის შთანთქმულია ფიზიკურ შრომაში თავის თავისა და ბატონების სარჩენათ.

აქ იბადება ერთი დიდი საკითხი.

ჩვენ ვიცით, რომ იქ, სადაც არ არის კულტურული ერთობა, იქ არ არის არც ნაციონალური ერთობა, იქ არ არის თვით ნაცია. რალას უნდა წარმოადგენდეს ნაცია აღნიშნულ ეპოქაში? ოტტო ბაუერის აზრით ამ დროს ნაციონალურ ხასიათის მტარებელია მხოლოდ გაბატონებული წოდება. „გლეხებს არავითარი წილი არ უდევთ იმაში, რაც აერთებს ნაციას“, ამიტომ „გერმანელი გლეხები იმ დროს არც შედიან ნაციაში, ისინი არიან მხოლოდ ნაციის ბოლოში მიგდებულნი, ნაბოლარები (Hintersassen)*“. ოტტო ბაუერის აზრით ასეა საქმე თვით კაპიტალიზმის პირველ ხანებშიაც. იმის საჩვენებლათ, თუ გლეხობა რამდენათ განდევნილია ნაციონალურ კულტურიდან, ის გერმანელ ვაჭრებისაგან გამოთქმულ შაიხსაც კი გაიხსენებს გლეხების შესახებ:

„გლეხნი იგია, რაც რომ ხარები, მხოლოდ მათ თავზე არა აქვთ რქები“.

*) Die Nationalitätenfrage und die Sozialdemokratie. გვ. 43—44.

ბაუერის აზრით თვით დღევანდლამდისაც კი საქმე არსებითათ არ შეცვლილა. „არსებითად — განაგრძობს იგი — ჯერ კიდევ დღესაც საქმე ისეა, რომ ნაციონალური კულტურა არის გაბატონებულ კლასების კულტურა, ნაციას — რომელიც გაგებულ უნდა იქმნას, როგორც კულტურული ერთობა, — არ ეკუთვნის ხალხის ფართე მასსა; ეს მხოლოდ ნაციის ნაბოლარაა, ამ მასის ექსპლოატაციასე კი, რასაკვირველია, დაყრდნობილია ამაყი შენობა ნაციონალურ კულტურისა, საიდანაც იგი ჯერ კიდევ განდევნილია (*), ჩვენის აზრით, ამ ციტატაში უტყუარი ქეშმარიტება იმდენათ არის გაზვიადებული, რომ იგი ჰკარგავს სიმართლეს. სრულ შეცდომათ მიგვაჩნია იმის თქმა, რომ „ნაბოლარები“ არ ეკუთვნის ნაციასო. თქმა არ უნდა, რომ კლასიურ საზოგადოებაში მშრომელ ხალხს ნაციის ნივთიერ და სულიერ სიმდიდრიდან წილათ ხედება მხოლოდ ნამცეცები, ამ აზრით იგი ნაციონალურ ცხოვრებიდან გარიყულია, იგი ნაციის ნაბოლარაა. მაგრამ მიუხედავად ამისა, იგი მაინც შემადგენელი და შემოქმედი ნაწილია ნაციისა, არა მარტო თავისი ფიზიკური შრომით, არამედ აგრეთვე თავის პსიხიური ცხოვრებით, მთელი თავისი არსებით. კლასების გაჩენა, ექვს გარეშეა, ნაციონალურ ერთიანობას არღვევს, მარა მიუხედავად ამისა, განსაზღვრული ერთობა მაინც არ ისპობა. ამას ნათლათ განგვიმარტავს შემდეგი პატარა მაგალითი. ყველას, ვასაც კი შესწევს რამოდენიმე უნარი დაკვირვებისა, ეკოდინება ასეთი შემთხვევა. ორი ადამიანი, ერთი და იმავე დედ-მამის შვილები, დიდთ განსხვავდებიან ერთი მეორისაგან არა მარტო გარეგანი სანახაობით, არამედ აგრეთვე პსიხიურათაც; ერთი უფიცი-უსწავლეელია, მეორეს კი უმაღლესი სწავლა-განათლება მიუღია; ამ ორ ადამიანში ისე დიდი განსხვავებაა, თითქოს მათ შორის მთელი უფსკრული იყოს გათხრილი. მაგრამ, მიუხედავად ამისა, მათი პსიხიური ვითარება, ბუნება, ღასიათი გასაოცარ მზგავსებასა და ერთობას წარმოადგენს. ასეა არა მარტო იმის გამო, რომ ისინი ერთი და იმავე დედ-მამის შვილები არიან (მაშასადამე მემკვიდრეობით მიუღიათ საერთო თვისებები), არამედ აგრეთვე ამიტომაც, რომ მათ საერთო ოჯახის ბევრი საერთო ჭირ-ვარამი, სიხარული თუ მწუხარება და თავგადასავალი განუცდიათ.

ის, რაც მართალია კერძო ინდივიდებისათვის, შეუდარებლათ მეტათ მართალია მთელი ნაციისათვის. ამის კლასები, რაც უნდა გათიშული იყვენ ეკონომიურათ და კულტურულათ, ისინი მაინც ერთი და იმავე საზოგადოების ბედ-იღბალის, თავ-გადასავალის და ერთ და იმავე ისტორიის ნაყოფი არიან; რაც უნდა დაბალი და ნაბოლარა იყოს კლასი, იგი მაინც, სრულიათ არ არის მოკლებული ნაციონალურ კულტურის ზე-გავლენას. ეს უკანასკნელი უხილავი მიღებით ეგზანება მეტნაკლების ძლიერებით, რასაკვირველია, მაგრამ — უეჭველათ ეგზანება — ნაციის ყველა ადამიანებს. აქ არ შე-

გვიძლია არ დავიმოწმოთ ჟორესის შემდეგი მკვეთრი სიტყვები: „მაგრამ, ბატონებო, მუშები, მშრომელი ხალხი სამშობლოსთან ერთობაში არიან... სამშობლოსთან აახლოვებს მათ თვით სფერა აზროვნების მოქმედებისა. თუმცა ზემო მართალი იყო, როცა განაცხადა, რომ მუშებისათვის, პროლეტარებისათვის, რომელნიც დღევანდლამდე უკიდურესათ უფიცი არიან ან დაერთიანათ შთანთქმელნი ყოველ დღიურ ლუკმა პურისთვის მზრუნველობაში, ამ მუშებისათვის სრულიად მიუწდომელია მშვენიერება იმ დიად ნაწარმოებთა, სადაც აღბეჭდილია საფრანგეთის გენიოსობა; მაგრამ არა მარტო ლიტერატურის საშუალებით, არამედ აგრეთვე ცოცხალი და რეალური ტრადიციით საფრანგეთის შემოქმედებითი აზრები თან და თანობით ეწვეთება-ექსოვება მუშათა კლასის ცნობიერებაში. მე-XVIII-ე საუკუნის მუშები, რასაკვირველია, ძალიან ნაკლებათ კითხულობდნ ვოლტერსაც, რუსოსაც, დიდროსაც და ენციკლოპედისტებსაც; მაგრამ როდესაც იფეთქა რევოლიუციამ და შემდეგაც რევოლიუციის მთელი დროის განმავლობაში რაკი საჭირო გახდა რევოლიუციონურ თავისუფლების დაცვა წინააღმდეგ ეკლესიისა, მუშები რამდენსამე თვეში გაიმსკვალენ ვოლტერის კრიტიკის სულით; და მხოლოდ ჩვენ მუშებ შორის შეიბრჩინა მან (ვოლტერის კრიტიკამ) მთელი ძალა თვისი ზე-შთავლენებისა“ და სხ.*).

რასაც აქ ჟორესი ამბობს დღევანდელ და მე-18-ტე საუკუნის მუშების შესახებ, იგივე უნდა ვთქვათ ყველა ეპოქის მუშა ხალხზე. ამას ნაციასთან აერთებს „თვით სფერა აზროვნების მოქმედებისა“. უხილავი მიღებით, ცოტ — ცოტაობით და თან და თანობით ნაციონალური კულტურა ეწვეთება და ექსოვება მის ცნობიერებას, ამასთანავე, ეს ზე-გავლენა რაც დრო მიდის, იმდენი უფრო ძლიერდება; რამდენადაც ვითარდება საზოგადოებრივი ცხოვრება, რამდენადაც იზრდება და ვითარდება თვით კლასიური წინააღმდეგობანი, იმდენათ მუშახალხი უფრო მეტი, უფრო ფართე მონაწილე და თანაზარი ხდება ნაციონალურ კულტურისა...

მნ.

სხვა-და-სხვა ამბები ჩვენში.

ხუთშაბათს, 26 ივნისს, შესრულდა ათი წელიწადი მას შემდეგ, რაც უკვალათ დაიკარგა ჩვენი საზოგადო მოღვაწე-მწერალი ი. გ. მაჩაბელი. მაჩაბელი დაიბადა გორის მაზრაში სოფ. თამარაშენში 1854 წ. 16 წლისამ გაათავა გიმნაზია. ერთის წლის შემდეგ შევიდა პეტერბურგის უნივერსიტეტში ფიზიკა-მათემატიკურ ფაკულტეტზე. სტუდენტობის დროს მშვენიერათ შეის-

*) იქვე. იხ. აგრეთვე გვ. 66, 72—73.

*) სიტყვა წარმოთქმული პარლამენტში 8 და 15 დეკ. 1895 წ. „Интернационализмъ и патриотизмъ“ გვ. 33-4.

წავლა ინგლისური და ნემეცური ენები. უნივერსიტეტის გათავების შემდეგ მიემგზავრება საზღვარ-გარეთ და შედის გოგენგეიმის აკადემიაში. სპეციალურათ სწავლობს მეურნეობას, ამის შემდეგ მიდის საფრანგეთში, საიდანაც ბრუნდება პეტერბურგს. აქ იმან ჩაუდგა საძირკველი ქართულ საექთაკლებს, რომელიც ეხლა თითქმის ყოველ წლობით იმართება პეტერბურგის სტუდენტთა სასარგებლოთ. პეტერბურგში გაიცნო ი. გ. ქავჭავაძე, რომელთან ერთად გადათარგმა ქართულ ენაზე შექსპირის დრამა „კორიოლიონი“. მაჩაბელი ბრუნდება სამშობლოში. ის დანიშნულ იქნა სათავად-აზნაურო გიმნაზიის ინსპექტორათ, ი. ქავჭავაძის რჩევით ამ თანამდებობას თავს ანებებს და შედის კასსირათ სათავად-აზნაურო ბანკში. იღებს მონაწილეობას გაზ. „ივერიაში“. ისევ აწარმოებს რამდენიმე წელიწადს გაზ. „დროება“-ს, რომელიც გადასცა მას ს. მესხიმ. ივ. მაჩაბელმა სთარგმა ქართულათ „ჰამლეტი“, „ოტელო“, „მაკბეტი“, „იულიუს ცეზარი“ და „რიჩარდ მესამე“. ბანკში სამსახურის დროს მას დიდი უთანხმოება მოსდის ი. გ. ქავჭავაძესთან. რამდენიმე ხნის შემდეგ ი. გ. მაჩაბელი უკვალთ დაიკარგა. („ზაკ.“)

24 ივნისს მოხდა კრება თავად-აზნაურთა წინამძღოლ დეპუტატების და გამგე კომიტეტისა ქართულ თეატრის საიჯაროთ მიცემის შესახებ. კრებამ განიხილა ის პირობები, რომელიც მათ დაუდო მოიჯარადრე ქანაფორსკაიამ. უკანასკნელი კისრულობს თავის ხარჯით მოაწყოს სცენა, ყოველ წლობით აძლიოს საიჯარო გადასახადი თავად-აზნაურობას 17000 მან., უნდა შეინახოს თეატრი თავის ხარჯით და დაუთმოს ქართულ დრამატიულ დასს თვეში 6 საღამო და ორი დღეა წარმოდგენებისათვის იმ ფასში, რა ხელშეკრულობასაც დასდებს გამგე კომიტეტი. კრებამ გადასწყვიტა მიეცეს იაფორსკაიას თეატრი საიჯაროთ დღიდან გათავებისა 1912 წ. პირველ ივნისამდე.

კავკასიის ნამესტნიკის განკარგულებით შესდგა კომისია, რომელმაც უნდა გადაათვალიეროს 1900 წ. 1 მაისის კანონი. ამ კანონით მიწების შეძენასა და სარგებლობაში უპირატესობა ეძლევათ ადგილობრივ მკვიდრთ. თბილისის გუბერნიის მარშლის უშუამდგომლობის თანახმად ამ კომისიაში დანიშნულ იქნენ სიღნაღის მაზრის თავ. დ. ე. ჩოლოყაშვილი, მ. მ. მაჩაბელი და გ. ბ. საყვარელიძე. 21 ივნისიდან უკვე დაიწყო მუშაობა.

28 მაისის ვაქრობიდან ქ. შ. წ. კ. გ. საზოგადოების სასარგებლოთ შეგროვდა ჯერ-ჯერობით 680 მან. ფული კიდევაც მოსაკრეფი. შემოსავლის 50% ალუთქვეს საზოგადოებას ზეგერთ რკინის გზის სადგურის მეტუფიტებმა.

სამშაბათს, 24 ივნისს, პუშკინის ბიბლიოთეკის შენაშაში მოხდა საზოგადო კრება თბ. წვრილ ვაჭართა პროფესიონალური საზოგადოებისა. კრების გახსნისათანავე საზოგადოების აღმასრულებელმა ორგანომ წაიკითხა მოხსენება თავის მოქმედების შესახებ. კომიტეტს ჰქონია 50 სხდომა პირველ საზოგადო კრებიდან ამ დრომდის. საზოგადოებას ჰქონია შემოსავალი 3000 მან. ამოდენავე ყოფილა გასავალი, კრებამ დაამტკიცა მოსალოდნელი ხარჯები და ინსტრუქცია მთავარ და უბნის

კომიტეტებ შორის. კარგა ხანს იქონია კრებამ მსჯელობა შანტაჟისტების შესახებ. დადგინა პრესის შემწეობით მიმართოს მათ დაანებონ თავი ცარცვა-გლეჯას და დაუბრუნდენ ჩვეულებრივ ცხოვრებას... ბოლოს აიჩიეს კომიტეტის და სარევიზიო კომისიის წევრები. კრებამ მადლობა გამოუცხადა ი. ნ. მერკვილიძეს და ამოიჩიო საზოგადოების საპატიო წევრათ.

ნაძალადევი ჩამოაცალეს მეათე საპოლიციო უბანს და ცალკე ნაწილათ აქციეს. ნაცვლათ სამი გოროდოვისა იქნება იქ 21; უბნის ზედამხედველი იქნება ოთხი.

თბილისში ისევ გაძლიერებული ჩხრეკა დაპატიმრებაა. 23 ივნისს პოლიციის მეცხრე ნაწილში დაპატიმრეს თორმეტი კაცი.

23 ივნისს, ქობულეთში, ვიღაც უცნობები თავს დაესხნენ ამიერ კავკასიის რკ. გზის კეროსინო პროვოდის უფროსს ინჟინერ როზენფელდს და სროლა აუტეხეს. როზენფელდი სასიკვდილოთ დასჭრეს. დასჭრეს აგრეთვე მისი ცოლი. ბოროტ-განმზრახველნი მიიმაღნენ.

სოფ. მიჯიდან (ბორჩალოს მაზრა) გვატყობინებენ, რომ საგლეხო ბანკს საბოლოოთ ჩამოუერთმევია მიჯელ ქართველებისთვის 200 დესეტ. სახნავი ადგილი „ყადრი-ყული“, რომლითაც ისინი ას წელიწადზე მეტია სარგებლობენ და გადაუცია დალლარელ თათრებისათვის. მიჯაში ირიცხება 63 კომლი გლეხი, დალლარში 17 კომლი სცხოვრობს. ამ ნაირათ 63 კომლის ინტერესი ეწირება მსხვერპლათ 17 კომლის ინტერესებს... მიჯელებმა არ იციან საით გადაცვიდნენ. მცხოვრებლები სასაწყვეთილებში არიან ჩაცვივნულნი, რადგან ახლო-მახლო ადგილებში აღარ მოიპოვება სახნავათ გამოსადეგი ადგილები...

რ უ ს ე თ შ ი.

ქ. ვორონეჟში სიკვდილით დასაჯეს ქალი ფეო-დოროვა, რომელმაც განიზრახა ვორონეჟის გუბერნატორის მოკლა.

სიკვდილით დასაჯეს: ოდესაში-სამი, რიგაში-ორი, ვარშავაში-ერთი. ვილნაში-ორი.

სიკვდილი მიუსაჯეს: ჟიტომირში-ერთს, კრემენ-ჩუგში-სამს; ჰსკოვში-გიმნაზისტ ფალევიჩს; კიევში-სამს; ხარკოვში-ორს. სევასტოპოლში-ერთს, ოდესაში-ერთს, ეკატერინოსლავში-ერთს.

რუენის რესპუბლიკის საქმის გარჩევა გათავდა. ოთხი გაამართლეს. დანარჩენ 65 გადაუწყვიტეს კატორგაში მუშაობა 4-15 წლამდის.

კიევში ჰქვიდან შეიშალა სისხლის სამართალში მიცემული ტუსალი იუშკოვი, რომელიც ასრულებდა ჯალათის მოვალეობას. იუშკოვმა თავის კამერას ცეცხლი წაუკიდა, რიამ თავისი თავი შიგ დაეწო.

სევასტოპოლის საზამთრო საკრებულოში უპოვიათ მრავალი არაღელვალური ლიტერატურა, სტამბა 2 ფ.

შრიფტით და ბეჭედი ს.-დ. პარტიისა. დაიჭირეს ერთი მსახურთაგანი.

კორობოვოში (მინსკის გუბ.) ჩხრეკის დროს მძიმეთ დასქრეს ურიადნიკი; სროლა აუტეხეს ბოქაულსა და სტრაჟნიკებს, რომელთაც თავის მხრივ სროლითვე უპასუხეს და სასიკვდილოთ დასქრეს ერთი მსროლელთაგანი.

რომენის და ნიკოლაევის მაზრებში სეტყვამ გააფუქა 11,000 დესეტ. პური და ბოსტნეულობა.

რიგაში დახურეს მეთევზეების სიეზლი.

პეტერბურგში დაპატიმრეს პირველი სათათბიროს დეპუტატი ბაბენკო, შრომის ჯგუფის წევრი.

ეკატერინოდარში, როდესაც მეორე სათათბიროს დეპუტატი შირსკი ციხეში მიჰყავდათ, მის ეტლს ვიღაც უცნობებმა სროლა აუტეხეს.

ჩერკასში ციხეში ჩასვეს პირველი სათათბიროს დეპ. ნესტერენკო.

კიევის პოკროვის მონასტერში გაჩხრიკეს მორჩილი ქალების კელიები. ხელში ჩაიგდეს მიწერ-მოწერა.

„Вятская Рѣчь“-ი დაჯარიმეს 500 მან.

სევასტოპოლში კერძო ბინაზე დაპატიმრეს 26 კაცი. ყველამ თავის თავს ადგილობრის ს.-დ. კომიტეტის წევრი უწოდა.

მატარებელში უფის ახლო გაძარცვეს ორი არტელ-შიკი, რომელთაც მიჰქონდათ 36,000 მ.

„რუსკი ვედ.“ რედაქტორს ეპატია 1,000 მან. ჯარიმა.

ვიბორგში ირჩევა საქმე 30 დაბალ ჯარის კაცისა, რომელთაც ბრალათ ედებათ ვიბორგის მეციხოვნეთა ასაჯანყებლათ მომზადება.

გრიზოვცაში თავად-აზნაურთა წინამძღოლს ვოლოცკის წარუდგინეს ბრალდება უფლების გარდამატებისათვის 1906 წ. საერო კრებაზე, როდესაც ირჩეოდა კითხვა სახელმწიფო სათათბიროს მოწვევის შესახებ.

ფინლიანდიის სეიმის არჩევნებში, შარშანდელ წელთან შედარებით, ნაკლები ამრჩეველი იღებს მონაწილეობას.

ეკატერინოსლავში აღმოაჩინეს ყუმბარების საწყობი.

პოლტავის ციხეში გაჩენილა სახადი.

უზოვკაში, რიკოვსკის ერთ-ერთ მადნის მალარო-ში აფეთქდა გაზი; მალაროში იმყოფებოდა 390 კაცი. გამოიყვანეს ცოცხლათ 73, რომელთაგან 10კ. მალე გარდაიცვალა.

„Рязанскій вѣстникъ“-ი დაჯარიმეს 200 მან. რადგანაც შიგ მოთავსებული იყო სტატია ეპარქიალურ არქივზე.

რიგაში ცდილობენ დაარსონ რუსის ხალხთა შირი. ამის გამო გაცხარებული მიწერ-მოწერა აღუბროვინთან.

8 ივნისს, სოფ. მოსკოვსკოეში (სტავროპოლის გუბ.) რუსის ხალხის კავშირის წევრებმა მოიწადინეს თავიანთ ბაირალის კურთხევა. კვირა დღე იყო. აუარებელი მლოცველი იყო შეგროვილი საყდართან. როდესაც გლეხებმა დაინახეს, რომ „მოკავშირეებს“ თავისი ბაირალი მიჰქონდათ საყდარში, იმათ ამის ნება არ მისცეს, რადგანაც ჩათვალეს ეს საყდრის შეურაცხყოფათ, დაიწყა ჩხუბი. „მოკავშირეებმა“ მიმართეს სოფლის მოხელეებს, მარა ვერც იმათ უშველეს, მაშინ „მოკავშირეებმა“ მოსთხოვეს მღვდელს, რომ მას წაეკითხა ამის შესახებ გლეხებისთვის გუბერნატორის და არქივლის განკარგულება. მღვდელი დიდხანს იდგა უარზე, მაგრამ ბოლოს მაინც დაჰყვა „მოკავშირეებს“ და დიწყით კითხვა. გლეხებმა მორთეს ყვირილი და მღვდლის ხმა დაჟვარეს, რადგანაც შეურაცხყოფათ მიაჩნდათ ბაირალის შეტანა საყდარში, რაზედაც (ბაირალზე) დახატული იყო ლომები, ვეშაპები და სხვა. ბაირალის კურთხევა ვერ მოახერხეს. მეორე დღეს მოვიდნენ სტავროპოლიდან მთავრობის წარმომადგენლები საქმის გამოსაძიებლათ. ბევრი გლეხი დაატუსაღეს. „მოკავშირენი“ კმაყოფილნი არ არიან მათი დატუსაღებით და მოითხოვენ, სხვათა შორის, მღვდლის სასტიკათ დასჯასაც. („რჩი“ 17,18,19,20 ივნისისა).

მოსკოვში მუშამ მოკლა ტრიოზგორნი ლუდის გამოსახდელ ქარხნის დირექტორი ფეილდერი.

სახელმწიფო დუმის წევრმა დეპ. სალათელიანმა მიიღო ტელეგრამა, რომელიც მოგვითხრობს ოსმალეთის აღმინისტრაციის და სულთანის ჯარის ძალმომრეობას ვანის ოლქში და ოსმალეთ-სპარსეთის საზღვრებზე ტელეგრამაში, სხვათა შორის, მოხსენებულია, რომ ჯარი გადადის ერთი სოფლიდან მეორეში და ეძებს იარაღს, რისთვისაც გლეხებს აყენებენ წარმოუდგენელ ტანჯვას. ხშირათ გლეხები განგება ყიდულობენ იარაღს, რომ გადასცენ მთავრობას და ამით თავიდან მოიშორონ ის. თალირ ფაშის შვილი ჯვედედ ბეი სოფ. ხაჩანში ათი დღის განმავლობაში უბრძანებდა თავისი სალათებს ძალმომრეობა ეხმარათ დედაკაცებზე და არ დაენდოთ პატარა ქალებიც კი. შვიდი კაცი და ორი ქალი მოკლეს ცემით. ათი დედაკაცი სიკვდილის პირადაა მისული. თავს ზარ დაცემული ბევრი თავათვე ელაფეს თავს. 6 სომხის სოფელი აკლეს და გაძარცვული. ქ. ვანში მრავალი სომეხია დაპატიმრებული.



ცოტა რამ სასღვარ-გარეთელ სამღვდელოებაზე.

წერილი ვენიდან.

დღეს საყოველთაოთ ცნობილია, რომ ევროპა-ამერიკაში ბრძოლა მეცნიერების და სარწმუნოების შორის აღარ არსებობს. კარგა ხანია უკვე გათავდა ბრძოლა; ბრძოლა გათავდა და მის შემდეგ მეცნიერების სრული გამარჯვება აღიარებული. მეცნიერებამ შეუძლებლათ სწრაფი სარწმუნოებასთან შერიგება. მან განდევნა იგი ცოდნის სამეფოდან და გამოაცალა მას მკვიდრი ნიადაგი. სარწმუნოება აღიარებული იქნა მხოლოდ კერძო პირის რწმენის საქმედ. საყურადღებოა მისი გათვალისწინება, თუ რას აკეთებდა და რას აკეთებს ამასობაში ამ სარწმუნოების მატარებელ-მქადაგებელი სამღვდელოება, საით მიისწრაფვის და რა ტაქტიკას ადგია. უეჭველათ ყველგან და ყოველთვის მათი ტაქტიკა და მიზანი ერთი და იგივე ვერ იქნებოდა: იგი გამოიცვლებოდა სოციალურ-პოლიტიკურ პირობათა გამოცვლის თანახმად, იგი ეცდებოდა ხან ძალით, და ხან ორპოვნობით ფართო მასის გულის მოგებას და თავის ინტერესებისათვის დამორჩილებას. სწორედ ამგვარ მოვლენებს ვხედავთ ჩვენც საზღვარ-გარეთელ სამღვდელოების მოქმედება-არსებობაში.

იქ, სადაც სარწმუნოება ჯერ კიდევ სახელმწიფოს მიერ დაცულია, მისი მქადაგებლები, სამღვდელოება გვარიანათ გრძნობს თავის-თავს, თუმცა ნათლად ხედავს, რომ რაც დრო გადის მას თანდათან ფეხიდან ნიადაგი ეცლება და მისი წინანდელი განუსაზღვრელი გავლენა მასსაში საგრძნობელათ კლებულობს და სუსტდება. რომ ამგვარი ფართო მასის შეუწყნარებელ გულ-გრილობას სარწმუნოებისადმი ბოლო მოეღოს და ძველებური სანატრელი დრო ბატონობისა დაიბრუნოს, ის იბრძვის და ენერგიულად ითხოვს მთავრობისაგან დახმარებას ხალხის თვალში დაცემულ სარწმუნოების აღსადგენათ. მთავრობაც მათ მოთხოვნალებს უყურადღებოთ არ სტაყვებს და მოწადინებულია ყოველი ღონე იხმაროს მათი დაკმაყოფილებისათვის, რადგან კარგათ ესმის, თუ რა დაუფასებელ სიმაგრეს წარმოადგენს არსებული წყობილების დასაცავათ და შესანარჩუნებლათ მართლ-მორწმუნე ადამიანი.

ავსტრო-უნგრეთში, დაკანონებულია უფისა სწავლა-განათლება ბავშვებისა 14 წლამდე. აქ, ამ პარლამენტარულ სახელმწიფოებში, მთავრობის და სამღვდელოების მჭიდროთ შეკავშირებულ მოქმედებამ ის ნაყოფი გამოიღო, რომ ხალხური სკოლები სავსებით სამღვდელოების ხელში გადავიდა. სამოსწავლო პროგრამა, მასწავლებლები, მართვა-გამგეობა—ყველაფერი კლერიკალურია,—და აბა ამის შემდეგ რა გასაკვირია, თუ კი ბავშვა გათავებისას ჯეროვანათ არ იცოდეს ცხოვრებისთვის საჭირო საგნები, სამღვთო წერილი კი, რომელიც სრულიად გამოუსადეგარი არის მისთვის ცხოვრებაში, მას გაზეპირებული აქვს; მაგრამ მთავრობას რომ უფრო

მეტი მეგობრობა დაემტკიცებია სამღვდელოებისათვის, ერთი ნაბიჯიც კიდევ გადადგა წინ: ის დაეხმარა სამღვდელოებას საშუალო სასწავლებლების მართვა-გამგეობის მისაკუთრებაში. მართლაც, დღეს ბევრი ამ სასწავლებელთაგანი კლერიკალების ხელში გადავიდა და საქმის გამწესრიგებელიც იგივე სამღვდელოება გახდა. ამ გვარი გამარჯვებით აღფრთოვანებული, სამღვდელოება ეხლა ახალი იმედებით, ახალი სურვილებით იმსქელება. მოპოვებული მათთვის ცოტა გამოდგა, და ეხლა თვით მეცნიერების ტაძარში, უმაღლეს სასწავლებლებში გამაგრება-გამეფება მოიწადინა, რადგან აშკარა იყო, რომ ამ ტაძარში უმთავრესად იბუჩქნებოდა და ირახმებოდა სარწმუნოების მოსისხლე მტერი; ეს ის მტერი იყო და არის, რომელიც უქადის მას მოსპობას და გაქარწყლებას. უეჭველად, უპირველეს ყოვლისა, საჭირო იყო ამ მეცნიერების ტაძრის, ან მოსპობა, ან და დამორჩილება. პირველი იერიში ავსტრო-უნგრეთის სამღვდელოებამ მიიტანა უმაღლეს სასწავლებლებზე, მაგრამ დამარცხდა და მშვიდობიანობის ჩამოგდებაზე იწყა ლაპარაკი. აი, საქმე როგორ იყო.

გასულ წელს ზამთარში ავსტრიის კლერიკალთა მეოცე პარტიული სიეზი მოხდა. კლერიკალ-სამღვდელოების გარდა სიეზზე დაესწრნენ აგრეთვე ქრისტიანულ-სოციალების (christlich-soziale—ეგრე უწოდებენ ისინი თავის-თავს) პარტიის წარმომადგენლები. თუმცა ორივე პარტია წინადაც ერთად მოქმედებდნენ, მაგრამ ეხლა ფორმალურად შეკავშირდნენ და ერთმანეთს ფიცი მისცეს, რომ ქრისტიანულ ძმობა-სიყვარულის გავრცელებას მასსაში ორივე მხარე შეუდრეკელად, შეერთებულად ეცდება. ნიშნათ შეერთებისა სიეზის თავმჯდომარეთ, თუმცა წმინდა კლერიკალურ პარტიის წარმომადგენელთა რიცხვი საგრძნობელად აქარბებდა, ერთხმად ამორჩეულ იქნა ვენის ქალაქის თავი, ქრისტიანულ-სოციალურ კლერიკალ კარლ ლევერი. კრებამ ბევრი რეზოლუციები შეიმუშავა აქ, მაგრამ ჩვენთვის საგულისხმოა მხოლოდ ერთი, რომელიც ნათლად ღალატებს, თუ რის განხორციელება განიზრახა სამღვდელოებამ. ეს რეზოლუცია კრების დიდ სიხარულს და აღტაცებას ხატავდა შესახებ დაბალი და საშუალო სკოლებში გაბატონებისა და უმახოვბელეს მიზნად მაღალ სასწავლებელთა მართვა-გამგეობის ხელში ჩაგდებას ისახავდა, როგორც აუცილებელ საჭიროებას სარწმუნოების იდეის გამაგრებისათვის. ამის გამო ერთმა ინსბრუკის (ავსტრიაშია) უნივერსიტეტის პროფესორმა, გვარად ვარმუნდმა, გამოაცხადა პატარა წიგნაკი, სადაც ის გვაცნობს სარწმუნოების წარმოშობისა და განვითარების ისტორიას, მოგვითხრობს სარწმუნოების სისუსტეს და სიკოტრეს მეცნიერულ კრიტიკის წინაშე, აღნიშნავს, რომ მან საზოგადოების განვითარება და ადამიანთა აზროვნება დააჩაღუნა და შეაფერხა და სხვა-და-სხვა... ბოლოს ის დასკვნის, რომ ღმერთმა კი არ გააჩინა ადამიანი, არამედ, უკუღმა, ადამიანმა გააჩინა ღმერთიო. ამ წიგნაკმა დიდი აურო-

ზაური და ალიაქოთი ასტეხა კლერიკალთა ბანაკში. ისინი ბრაზით აივსენ, ერთსულოვნად ამხედრდნენ, დაიწყეს განგაში, როგორ თუ აღამიანმა ღმერთი გააჩინა... ეს შეუწყნარებელია, ეს შელახვა და დამცირება სარწმუნოების, ვარმუნდი ერეტიკოსია, (მწვალებელია) ის სახელმწიფოს ღალატობს, და აბა რა მაგის საქმეა ლექციების კითხვაო, გაიძახოდნენ სარწმუნოების დამცველები. ამ ყიჟინას მთავრობამ, როგორც მოსალოდნელი იყო, დიდი ყურადღება მიაქცია; მან კიდევ ერთხელ დაუმტკიცა სამღვდლოებას თავისი გულ-წრფელობა და ვარმუნდს ლექციის კითხვის ნება აღუკრძალა, მხოლოდ უმატებდა, მას ზამთარში ისევ დაუბრუნდება უფლებათა. გაამართლებდა თუ არა მთავრობა თავის დაპირებას—ეს უნდა საექვო საქმედ მიღებულიყო; მასთან უნდა ისიც მიღებულიყო მხედველობაში, რომ რაკი ამგვარი პირველი გამოლაშქრება მათი გამარჯვებით დაგვირგვინდებოდა, მაშინ ამას მეორე და მესამეც თან მიყვებოდა, რომელიც ორიოდ სხვა თავისუფალ მოაზრე პირთ იმსხვერპლიდა, და ასე შეუჩერებელი კლერიკალები წინ გასწევდნენ, სანამ მალალ-სასწავლებელთა სრული მფლობელები არ გახდებოდნენ. მაგრამ რასაც სამღვდლოება მოელოდა, არ გამართლდა. პროგრესიულ სტუდენტობამ და პროფესორებმა დროზე შეიგნეს თუ რა განსაცდელი მოელოდა ურივერსიტეტის და მეცნიერების თავისუფლებას, და შავების ზედ მოსევა სახელოვნად მოიგერიეს. მთელ ავსტრიაში სტუდენტობისაგან საყოველთაო გენერალური გაფიცვა იქნა გამოცხადებული; ერთბაშად შეწყდა მეცადინეობა ყველა ავსტრიის მალალ სასწავლებლებში; აქამდე მშვიდი აკადემიური ცხოვრება შეიცვალა ურიცხვი კრებებით და დემონსტრაციებით. მთავრობამ დაინახა რა ამგვარი დარაზნა და გაბედული წინააღმდეგობის გაწევა სტუდენტობისაგან, გადასწყვიტა მოლაპარაკება გაემართა მოწინააღმდეგეებთან, რათა ამ არა სასიამოვნო შემთხვევას ბოლო მოეღებოდა. მან მოიწვია რექტორთა კომფერენცია, სადაც განაცხადა თავისი ერთგულობა და სიყვარული მეცნიერების თავისუფლებისადმი, და ითხოვდა, გაფიცვა მოეხსნათ; მასთან პირდებოდა პრ. ვარმუნდს რომ მას საზამთრო სემესტრში დაუბრუნდება ლექციის კითხვის უფლება, მხოლოდ არა ინსბრუკში, არამედ სადმე სხვა ქალაქშიო. განათლების სამინისტროს ამგვარმა წინადადებამ აქამდე ერთად მიმავალი რექტორები და პროფესორები ორ ბანაკათ გაჰყო. უმცირესობა არ დაკმაყოფილდა მინისტრის განცხადებით და სამსახურს თავი დაანება, უმრავლესობამ კი სრული თანხმობა გამოაცხადა და შესაფარისი განცხადებები გამოაკრა სასწავლებლებში. ისინი თხოვნით მიმართავდნენ სტუდენტობას, რომ გაფიცვა გაეთავებიათ და სწავლას შედგომოდნენ, რადგან ბრძოლიდან გამარჯვებული მხოლოდ ჩვენ გამოვედითო. აქვე აღსანიშნავია ის გარემოება, რომ ადგილობრივ ს-დ. მუშათა პარტიამ შესაფერისი პოზიცია დაიკავა ამ ბრძოლაში. თუმცა ის ინიციატორათ არ გამოსულა, მაგრამ ის იმ თა-

ვითვე მეზობლ რაზმს გვერდში ამოუდგა და ბოლოს წინამძღოლობაც იკისრა. ს-დემოკრატიის წარმომადგენლები არც ერთ სტუდენტების კრებას არ აკლდებოდნენ, უხსნიდნენ დამსწრე საზოგადოებას, თუ რა საჭიროებას წარმოადგენს ეკლესიის სახელმწიფოსაგან განცალკევება, ურჩევდნენ მას გაფიცვის განგრძობას და თავის მხრივ დახმარებას პირდებოდნენ. ამ გარემოებამ უეჭველათ დიდი გავლენა იქონია სტუდენტობაზე. მიტოვებული პროფესორებისაგან მინისტრის განმარტების შემდეგ, სტუდენტობა მაინც არ გრძნობს ბრძოლის ველზე თავს მარტოთ, მას ესმის, რომ მუშათა პარტია დიდ ძალას წარმოადგენს თანამედროვე საზოგადოებაში, და ამგვარი ამხანაგის ყოლა და სასოწარკვეთილებაში ჩაყვარება—ცოდნათ და შეუწყნარებლათ მიაჩნდა, მიუხედავად რექტორთა განცხადებისა, რომ სწავლა 22 ივანობისთვის დაიწყებოდა, სტუდენტობა ოცს ახდენს საზოგადო კრებას და ერთხელ კიდევ ადგენს, გაფიცვა გაგრძელდეს იქმნას, რადგან ლიტონი სიტყვა მინისტრისა ვერ ჩაითვლება გამარჯვებათ. მთავრობა ერთ ნაბიჯს კიდევ სდგამს დათმობისაკენ, უშვებს ცირკულიარს, რომელსაც ხელს აწერს თვით იმპერატორი, რითაც განკარგულებას იძლევა, პროფესორი ვარმუნდი პრაგაში გადაყვანილიაო, მხოლოდ, რადგან საზაფხულო სემესტრი თითქმის შეწყვეტამდე არის მისული, ზამთარში შეუძლია მას ლექციის კითხვის დაწყება. ამ ცირკულიარმა ძლიერ გააოცა მეზობლი სტუდენტობა. ეხლა აშკარა იყო, რომ მთავრობა იარაღს ყრიდა ბრძოლის ველზე და თავისი თავის დამარცხებას აღიარებდა. გაგზავნეს შეკითხვა ვარმუნდთან, რომელმაც შემოთვალა, რომ ის თავის ნებით იქნა გადაყვანილი პრაგის უნივერსიტეტში და სიამოვნებით მიდის იქ; მასთან რჩევას აძლევდა სტუდენტობას დროებით გაფიცვის შეჩერება—სასარგებლოა, რადგან, საჭიროა მოცდა ზამთრამდე და გაგება, რამდენად გამართლებდა მთავრობის ასეთი დაპირებაო. ამით გაფიცვა შეჩერებული იქნა და ხელ-მეორეთ შეტაკების დროთ ზამთარი იქნა განოცხადებული.

მ. მაგალობლიშვილი.

(შემდეგი იქნება).



ალაზნის ველი.

მზე დასავლეთით ეშურებოდა,
სხივი მალალ მთებს ეთხოვებოდა;
ნელად ჰპერავდა გრილი ნიაღვი...
სდუმდა ალაზნის ტალღა მგრგვინავი!
ტყე შებურვილი მწვანე ფოთლებით
ხან-გამოშვებით შეირხეოდა
და შავს ჩრდილოსა, ზოლად გაწოლილს,
კამკამა წყალში ათამაშებდა!
სალამოს სიო ხეხილთა ძირში

მინდვრის ყვავილებს თავს ევლებოდა;
ფოთოლი—ფოთოლს, ბალახი—ყვავალს
და მთის მწვერვალი ზეცას შესტრფოდა!.

* * *

--ალაზნის ველო! შენი კალთები
ძველებურადა ჰყვავის, იშლება;
და ტანჯულ ერსა იმედს უღვიძებს,
რომ დაცემული კვლავ ამაღლდება!
ვინა გიხილოს, რომ თრფობით გული
სამშობლოსადმი არა აღეგზნოს?!



დ ა მ ა რ ც ხ ე ბ უ ლ ი .

და შემდეგ იგი თავ-გამოდებით
მხაგრელ ძალებსა არა ეკვეთოს?
ჰე, ალაზნო, წელიდ მჩქეფარე,
მღუღარე ცრემლო ჩვენ წინაპართა!
ერთ დროს ამ ნაპირს გმირთა მარჯვენამ
თავისუფლების დროშა აღმართა!..
მაგრამ ის დროშა მტერმა წარგეტაცა,
მოგვისხო ლხენა, შეგვხუთა სული;
და დღეს თვის ცრემლსაც შენ ერთს გიერთებს
ერი ქართველი გაწამებული!..

ჰხედავ, ამ ქვეყნის წყნარი მიდამო
შავს ნისლს რა რიგით ჩამოუბურავს?
თავისუფლების მოყვარულ შვილთა
დღეს მძიმე ხუნდი სულსა უხუთავს!..
დღეს მათ გულ-ღვიძლსა ყოვანი სჯიჯგნის
და გზა-კვალს უბნებს მუხთალი ბედი!..

ს. ლანდი.

შურნალ-გაზმთმზიდან.

რუსული სკოლა. გაზ. „Сп. Вѣд.“.-ში ცნობილი
მოღიბებულ ბ-ნი რუსულად ეხება სკოლის საკითხს და
სწავლა შორის სწერს:

„მე ვამტკიცებ, რომ რუსულ ცხოვრების „პოლუცეზსა“
და „მერზაცებს“ (არამზადებს) უწინარეს ყოვლისა ჰქმნის
რუსული სკოლა, სადაც დამყარებულია ბაზახანური (საკო-
მერციო ბირების) საზომი ბავშვების სულიერ თვისებათა
დასაფასებლათ. მთელ ამ ბირების წუმვს, „მამუნიობასა“
და ბაზრწილებს სარკესავით გამოხატავს რუსული სკოლა“.

და თუ აგეთია რუსული სკოლა თვით რუსებისათვის,
საკითხავია, რადა უნდა იყოს იგი ჩვენთვის, ქართველებისათ-
ვის, რომლებსათვის და სხვა დაზარალებულ ერთათვის, როცა
აქ რუსულ სკოლას ზედმეტად ჩაბარებული აქვს ერთგულ
გადაცვალების მისნია (დახმარება)!..

* *

სიკვდილით დასჯის შესახებ. სიკვდილით დასჯა
მაინც კიდევ იზერბის საზოგადოებისა და ზრკისს ეურადღე-
ბას... ამას წინათ გვეუწა სენსაციონური ამბავი, რომ კიე-
ში ჯალათი თავის სეღობის გამო ჭკუაზე შეიშალა. ამის
გამო გაზ. „Рѣчь“-ი სწერს:

„ის ფაქტი, რომელსაც აღბილი ჰქონდა კიევში, სრუ-
ლებითაც არ არის შემთხვევითი და განსაკუთრებით. დეე
კიევის შემთხვევამ მრისხანეთ მოზვავონოს, რომ ადამიანის
ნერვების დაჭიმვასაც საზღვარი აქვს, და თუ ჯალათშიც
ალაპარაკდა ადამიანის ბუნება, ცხადია—ყოველგვარი საზ-
ღვარი უკვე გადალახულა, ცხადია დრო არის შეჩერებისა.
ამას ცხადთ მოწმობს ეს შემთხვევა, თუნდ ცნობიერები-
დან სრულიად ამოვიფხიკოთ ის, რაც თქმულა სიკვდილით
დასჯის წინააღმდეგ, თუნდაც თვალები მაგრათ დავხუტოთ
მოღალადე იმ შედეგებზე, რაიც მოგვიტანა უკანასკნელ
ორი წლის ცდამ, ასეთის გრანდიოზულ მასშტაბით გაცემე-
ბულმა ცდამ.

შეიძლება ითქვას—რაც უნდა უცნაურათ გვეჩვენოს ამის
თქმა, რომ დასახლებულ შედეგთა შორის კიევის ჯალათი,
რომელიც ჭკუაზე შესცდა თავისი თანამდებობის შესრულე-
ბის ბამო, ერთთ ერთი მკრთალი სხივია ჩვენს ჩამოხრწე-
ბულ და სისხლით შეღებილ ჰორიზონტზე“.

ჩვენ კი რუსეთის შესახებ ვიტყვი: le doux pans.
(„ტკბილი ქვეყანა“).

საფრანგეთის რესპუბლიკაში სიკვდილით დასჯა ფაქ-
ტიურათ კარგა ხანია გაუქმებულია. იურიდიულათ კი ეს ჯლ-
ბათ ამ მოკლე ხანში მოხდება. იქ ელიან, რომ ამ დღეებში
სენატი (სედაზადატა) ასეთ კანონს დადასტურებს. ამის
გამო იქაური ზრკის იგონებს, რასაც გასულ საუკუნის 30-იან
წლებში სწერდა ვიქტორ ჰიუგო:

„ბარბაროსებო! არ შეიძლება მოკვლა არავისი, არ შეიძლება მოკვლა ისინი, ვინც კლავენ. არ შეიძლება მოკვლა ჯალათიც. მოსაკლავია კანონები, რომელნიც აკანონებენ მკვლელობას. დროა ჯალათებს მოეუსპოთ სამუშაო. წესწყობილება არ დაირღვევა ჯალათის წასვლით. მომავალში ავაზაკობა—დანაშაული ჩაითვლება ავითმყოფლობით და ამ ავითმყოფობისათვის იქნებიან მანსაკუთრებული ექიმები, რომელნიც ჩვენი დროის მსაჯულების ადგილს დაიკავენ, და იქნება განსაკუთრებული საავითმყოფონი ნაცვლათ ღღევანდელ ციხე-კატორისა, მაშინ თავისუფლება იქნება ღმერთი და სულისა და სხეულის ჯანმრთელობისა.“ (Rine de Paris)

* *

შაჰის პროკლამაცია. გაზ. S Humaite-ში (№ 1531) მოყვანილია რესკრიპტი (ერთგვარი პროკლამაცია), რომლითაც შაჰი უკანასკნელ ამბების გამო მიმართავს ხალხს. მოჭამედ-ადი, რომელმაც ფეხით გასთელა კონსტიტუცია და ამას წინათ ზანაზანებიც დააშენა მეჯლისისათვის (პარლამენტისათვის), დატუსაღა ხალხის წარმომადგენელი, რომელნიც ხალხისათვის თავდადებული დადგნობისა და ხალხის სისხლით შედგება თავისი საბრძანებელ ქალაქის ქუჩები. აი ეს მოჭამედ-ადი, შაჰი სხარსეთის ასე მიმართავს სხარსეთის ხალხს:

„კეთილშობილი სპარსეთის ერთი, რომლის წევრებსაც მე ისე ვუყურებ, როგორც ჩემს საკუთარ შვილებს, არ მოიშურვებს, რომ ამ ქვეყანას, სამოცი საუკუნის ისტორიის მექონე ქვეყანას, კიდევ მეტ ხანს არაყედეს ერთი მუშა შეთქმული, რომელნიც ოცნებობენ სახელმწიფო ძალა-უფლების ხელში ჩაბდებას, რათა ხალხს აუბნიონ გზა-კვალი, ააშორონ თავის ნამდვილ ინტერესებს და ამ რიგით შეარყიონ ის საფუძველი, რაზედაც დაყრდნობილია ჩვენი ცივილიზაცია. მე ვუცხადებ ქვეყანას, რომელიც ჩემთვის ისევე ძვირფასია, როგორც ჩემი საკუთარი ოჯახი, ვუცხადებ, რომ უკეთეს მთავრობა სასტიკით არ გაუმკლავდება ზედმოსევას, რაიც მას ემუქრება, მაშინ სახელმწიფო და ნაცია დაიღუპება; და ამ რიგით ევენებოდა კონსტიტუციას, რომლის განვითარებას მე ხელი შევეუწყე.... სპარსეთი ამიერიდან კონსტიტუციონურა ქვეყანაა, როგორც მე უკვე უმაღლესათ ბანაუცხადე რამდენჯერმე და როგორც ვაუწყე მთელ ქვეყნიერობის ყველა ნაციებს“...

* *

ევროპის აზრი სპარსეთის უკანასკნელ ამბებზე. ინგლის გაზ. „Stendab“-ი კათხუდბს თუ სად იშოვა შაჰის ფულები, რომ ასე გაბეჯულათ აწდევს კონსტიტუციას.

კონსერვატიული „Times“ ი სწერს:

„ამ ჟამათ, ეტყობა, შაჰმა ტერორის საშუალებით გაიმარჯვა; საკითხავია მხოლოდ, თუ რამდენი ხნით შესძლო მან თავისი ხალხის ნორჩ თავისუფლებათა ჩაღრჩობა. იმის, დიანაც აღმოსავლეთურ, მეთოდის პირდაპირ გამარჯვებამ თვალში არ უნდა დამებრძანავს: მდგომარეობა მეტისმეტად დამაფიქრებელია.“

ასეთ კრიტიკულ დროს, სანუგეშოა, რომ რუსეთი და დიდი ბრიტანია ორივე თანხმად არიან ნეტრალობის პრინციპის (სპარსეთის შინაურ საქმეებში არ ჩაბრუნების).“

გაზ. „S Humanite“-ში—26 ივნისის რიცხვით-გვითხულობთ:

„მართლაც ეჭვი არ არის, ინგლის—რუსეთის შეთანხმება რომ არ მომხდარიყო, პეტერბურგიდან რომ არ დაერწმუნებინათ—ინგლისის მთავრობა თითქმის არ გაანძრევს, მოპამედ—ალი ვარასოდეს ვერ გაბედავდა იმ საშინელ საზიზღრობას, რომელიც მან ჩაიდინა.“

კ რ ო ვ ი ნ ც ი ა.

ახალციხე. ჩვენ ქალაქსაც ჩვენებურობის სიცოცხლის დალი აჩნევია, რითაც გარეშენი ადგილით მიხედობიან ჩვენ ფსიხოლოგიას. ჩვენც ჩვენებურათ ვცხოვრობთ ჩვენებურათ ვმოქმედობთ ყოველნაირ მოძრაობაში, გართულობაში და სხ. აი მაგ. ქართველი კათოლიკენი ნამესტნიკს აძლევენ თხოვნას, რომ საბოლოოდ ჩამოშორდნენ სომხის ტიბიკონსა, მაგრამ მღვდლები ღალატობენ და არ უწერენ ხელს ასეთ ქალაქზე, რადგანც სომხთ ტიბიკონის კათოლიკეთა მმართველი ტერ აბრამიანი თითქმის ყველა მღვდლებს: „არ გაბედოთ“. იმავე დროს კი მრევლი თითქმის უქნევს: „მოგვიწერეთ ხელი, თუ არა როდესაც სომხებს ჩამოგვაშორებენ, მაშინ თქვენ აღარ მიგიღებთ და სხვა მღვდლებს მოვიყვანთ (პატარებს).“ არ იციან მხალხა და თავიანთ ჯიბის დამცველ მოინტერესე მღვდლებმა, ვის გაუგონონ—სომხს უფროსს თუ მრევლს და ასე ვერც ერთ გადაწყვეტილებაზე ვერ მყარდებიან.

ამ ჟამად არსდება აქ სამეურნეო და სავაჭრო-სამრეწველო ეკონომიური ამხანაგობა, წოდებით „მესხეთი“ (პაიებით), რომელსაც მიზნათ ექნება: 1) ადგილობრივ ნაწარმოებს, ხილს, თამბაქოს და მისთანობას მოუპოვოს გარეთ გატანის რიგიანი ბაზარი. 2) გახსნას მიწის სამუშაო იარაღის საწყობები, სანოვავის მაღაზიები და სხვ. რასაც პირიანათ მიაწვდის ხალხს.

ამის თაობაზე მაზრის უფროსის თანა-დასწრებით უკვე მოხდა პირველი კრება, სადაც გადაწყდა ამ საკითხის ასრულება, კრებამ ერთხმად მოიწონა ეს საკითხი და აირჩია წესდების შესადგენათ კომისია: ლ. ს. ფირალი-შვილი, დაუქვია-შვილი, კ. ი. გვარამაძე, ორლოვსკი, ორბელიანი და სხ. იმედია სასურველათ წაიყვანებენ ჩვენი მოწინავე პირნი ასეთ სასარგებლო საქმეს.

აპრაჭიჭა.

ქ. თელავი. რასაკვირველია მკითხველებს არ გაუკვირდებათ თელავის ახალი ამბები. თითქმის იგრე დღე არ გაივლის, რომ არავინ არ მოკლან და არ გაძარცვონ; ამ ძარცვა-გლეჯას კი პარტიებს აბრალებენ. საკვირველია, რომ პარტიების წინამძღოლნი ყურადღებას არ აქცევენ და პრესის საშუალებით არ აღაგმავენ ქორიკანა ცრუ-ბატონებს, რომელთაც ხელობათ გაუხდიათ თავიანთ ბინძური „მიზეზებისათვის“ პარტიების ჩირქის მოცხება და ხალხის თვალში მათი დამცირება.

აქაურ ქალების სახელოვნო სკოლაში თითქმის ორმოცზე მეტი ქალი სწავლობს, და ორი პატარა ოთახი არ არის საკმარისი, რომ მათ თავისუფლათ იმუშაონ, ნახევარზე მეტს ფეხზე დგომა უხდებათ, ელოდებიან ერთმანეთს წამოდგება ვინმე ადგილიდანაო და მე დავიკერ მის ადგილსო. ქალებს ეს არ მოსწონთ უფრო იმიტომ, რომ თვითონ იხდიან ორ თუმანს და მასწავლებელის ადგილზე სკამესაც თვითონ აკეთებენ. აი ამ მომუშავე ქალებს უნდოდათ აეღოთ ხელი სამუშაოზე და

მშობლიურ კერასთან მას ვერაფერს აკლებდა. მაგრამ პატარაობაშივე მას დედის ნანასთან ერთად ყურში გლეხის მწარე მოთქმა და გოდება მაინც ეწვეთებოდა.

ნიკო რვა წლისა იქნებოდა, როცა ის სოფლის სკოლაში მიაბარეს; მის ბუნებრივ ცოცხალს ნიქს და მახვილ ჭკუა გონებას მასწავლებელი აღტაცებაში მოჰყავდა. გლახუა სიხარულით უსმენდა და თან ტკბილი ღიმილით შესცქეროდა ნიკოს, რომელიც დედა-ენიდან ლექსებს სხაპა-სხუპით ამბობდა. გლახუა თავის მხრივ მას ბევრ სხვა ლექსებს ასწავლიდა და სხვა და სხვა ამბებს მოუთხრობდა.

ნიკო სოფლის ცხოვრებასაც ეცნობოდა; ის აღტაცებით გაყვებოდა ხოლმე მამას სამუშაოთ ვენახში, მინდორში, ტყეში; მას უყვარდა მამის გვერდზე მუშაობა და მასთან ტკბილი მამა-შვილური მუსიკა. ნიკო თვალეზ-გაფაცინებული და ყურებ-დაცქვეტილი უსმენდა თავზე ხელცახოც წაკრულ, გაოფლიანებულ მამას, რომლის ლაპარაკში სხვა და სხვა მხრივ ნათლად იხატებოდა გლეხის ცხოვრება, მისი ჭირი და ღონი.

ნიკომ სოფლის სკოლა ჩინებულათ დაამთავრა; მასწავლებელს ნიკო უყვარდა, როგორც საუკეთესო შეგარდი; მისი რჩევით და მეცადინეობით, რომელსაც გლახუაც დიდ პატივსა სცემდა, მახლობელ სამაზრო ქალაქის საოსტატო სემენარიაში მიაბარეს.

ნიკო შეჩვეულ სოფლის ცხოვრებას მოსწყდა და ქალაქში სულ სხვა პირობებში მოექცა. ასეთმა გარემოებამ ის, ცოტა არ იყოს, დააღონა და დაანაღვლიანა, მაგრამ მას სწავლის დიდი წყურვილი ჰქონდა, ნიკო სწავლაში დიდ ნეტარებასა გრძნობდა; ის თავის მკვირცხლი ჭკუის თვალით დიდებულ სინათლეს ხედავდა, რომელიც უფრო და უფრო სპეტაკდებოდა და ნიკოს მთელ თავის არსებით იზიდავდა. ის ამ სინათლისაკენ მხნედ და ენერგიულად მიიწევდა და არავითარ დაბრკოლებას არ ერიდებოდა. ის მზათ იყო ყველაფერი დაეთმო, ყველაფერი აეტანა, ოღონდკი ესწავლა.

მისი ერთხელვე გამოღვიძებული და ამოძრავებული ნიქი მარტო იმ საგნებითაც არ კმაყოფილდებოდა, რომლებსაც გაზინოვნებული მასწავლებლები ცოტა არ იყოს უხალისოდ და მშრალად ასწავლიდნენ. ის მოითხოვდა ნამდვილ ცოდნას, ცოცხალ სწავლას და ამისათვის ეწაფებოდა ისეთ წიგნებს, სადაც ბუნება და ცხოვრება თავის ნამდვილ სახით უფრო ნათლად და მკაფიოთ იხატებოდა.

ასეთმა წიგნებმა ნიკო ღრმად ჩაახედეს ცხოვრების გულში, მის მოწყობილობა-მოწყეს-რიგებაში და გარკვევით დაანახეს ის უსამართლობა—უკუღმართობა, რაზედაც აშენებულია ცხოვრების უზარმაზარი შენობა. ნიკომ სხვა დაახლოებულ ამხანაგებთან ერთად გამოიმუშავა ერთი გარკვეული მსოფლიო-მხედველობა და აქედან წარმოშობილი დიდებული იდეალი, რომლის განხორციელების დაჩქარება, ხელის-შეწყობა და მისთვის მოქმედება თავის სიცოცხლის მიზნათ დაისახა.

გლახუა ბედნიერი მამა იყო; ის თავის მომავალს გაბედულათ შესცქეროდა და წელში გაშლილი თავ-აწეული დადიოდა. მართალია შვილის გამოზდაზე დიდი ხარჯები მოუვიდა და კიდევაც დავალიანდა, მაგრამ სამაგიეროთ სოფლის საქებური, ნასწავლი შვილი ეზრდებოდა, რომელიც დანაკლისს ერთი-ათად აუნაზღაურებდა. ახალგაზდური იმედებით აღსავსე, ის ტკბილათ უღიმოდა მომავალს, მაგრამ უსამართლო, ბრმა ბედის წერამ მას არ აცალა.

სამი თვე უკლდა ნიკოს სასწავლებელის დასრულებამდე, რომ გლახუა მოულოდნელათ მოსწყდა წუთი-სოფელს, ის ტყეში გაცივდა და ჩავარდა ლოგინათ, საიდანაც აღარ ამდგარა.

საყვარელ და მოჭირანხულე მამის სიკვდილმა ნიკოს ნორჩი გული უცბათ დასწყვიტა; პირველი ჭრილობა მას ამ თავ-ზარდამცემმა ამბავმა მიაყენა. ის დაობლდა; მას მოაკლდა საყვარელი მარჩენალი, რომელიც მას მუდამ თავს დასტრიალებდა და ბრმა ცხოვრების ყველანაირი განსაცდელისაგან იფარავდა. მის ფართე და ღია შუბლზე ამ უბედურებამ პირველი შავი ხაზი, სევდის პირველი ღარი გაავლო.

ნიკოს ბავშური აღფრთოვანება დაეკარგა; გაბრწყინებული სახე დარდმა დაუჩრდილა; ის დადინჯდა, ხასიათი შეუმუშავდა, ყველანაირათ ჩამოყალიბდა; მას უღვაშებიც აუმწყვანდა.

ნიკო ოცის წლისა იქნებოდა, როდესაც სასწავლებელი დაამთავრა; წიგნებით გატაცებული, გამოუცდელი და რამდენიმე წლით სოფლის ცხოვრების და მის ზნე-ჩვეულების მოწყვეტილი, ის თავის კერასვე დაუბრუნდა.

ნიკოს ყველაფერი ეუცხოვა; მან ჩქარა მწვავეთ იგრძნო ობლობა; სასტიკმა ცხოვრებამაც ის თავის მძიმე უღელში მაშინვე დაურიდებლათ შეაბა. მის წინ ყოველ წამს ყოველ დღიურ სპირბოროტო კითხვები მოულოდნელათ დგებოდნენ, რომლებიც დაუყონებლივ მოითხოვდნენ გადაწყვეტას; ვალი, გადასახადები, ოჯახი, მტერი, მოყვარე, ყველა ესენი გაძლილას, თაოსნობას და პასუხის გაცემას მოითხოვდნენ.

ნიკოს ყველა ეს წვრილმანები ნემსებით სჩხვლევტავდნენ, ჩაქუჩით სცემდნენ, დაუყოვნებლივ ყელში უჭერდნენ და დაკმაყოფილებას თხოულობდნენ. ოცნებებით და იდელებით გატაცებულს მას ყველა ეს უმნიშვნელო პრაქტიკული კითხვები და საქმეები-რომლებიც აესებდნენ მის ყოველ-დღიურ სოფლის ცხოვრებას—ნიკოს მთავარ გონებას უკარგავდნენ და გულს უწყალებდნენ. ის ვერ ეგუებოდა, ვერ უთანხმდებოდა ასეთ უშინაარსო ცხოვრებას და გამოუქნელი ბოჩოლასავით ცდილობდა ამ უღლის თავიდან აცილებას; მაგრამ ამაოდ; სინამდვილეს თავისი გაჰქონდა.

ნიკო ადგილის შოვნას შეეცადა, მაგრამ მას ბედი არ უღიმოდა. ერთი წლის შემდეგ, როგორც იყო, გასჭრეს მისმა უკვე შეგრძოვნილმა თხოვნებმა. მას ერთ

სამაზრო ქალაქის პირველ დაწყებით სასწავლებელში მისცეს ოცდა ხუთ მანეთიანი მასწავლებლის ადგილი.

ნიკო სიხარულით აღტაცებას მიეცა; ოცდა-ხუთი მანეთი ოცდა ხუთ თუმნათ მიაჩნდა და არც თუ თვე ჩვენებოდა მას ისე ხანგრძლივ დროთ.

ის პირველათ სულით და გულით შეუდგა მასწავლებლობას; მას კარგათ ესმოდა ამ მოვალეობის დიადი მნიშვნელობა და ამიტომაც თავს არა ზოგავდა; ის გულმხურვალეთ ასწავლიდა ნორჩ, ახალ თაობას. მაგრამ ეს მხოლოდ პირველათ.

აღტაცების მოკლე ხანამ ჩქარა გაირა და უცხო ენაზე უშინარსო და მშრალი სწავლებით დაღალულ-დაქანცულ ნიკოს თვალწინ აეყუდა სკოლის სასტიკი რეჟიმი მთელი თავის სიგძე-სიგანიტ, მის ყველა სიტყვას, ყველა ნაბიჯს გულ-ზვიადი, აშკარატავანი უფროსების სასტიკად ადევნებდნენ თვალ-ყურს. მისგან მოითხოვდნენ სრულ მონობა-მორჩილებას, ლაქუცობას, ბავშვების ტვინის დაჩლუნგებას და მათ დამახინჯებას; ოცდა ხუთი მანეთიც დაცოტავდა, სამაგიეროთ თვე გაჰიანურდა.

ნიკო დიდ ნაკლებულობას და გაჭირვებას ითმენდა; მის გარშემო ჰყვოდნენ, ხარობდნენ, მუჯლისობდნენ; ის კი უმთავრეს მოთხოვნილებებსაც ვერ იკმაყოფილებდა, ბევრნაირათ იტანჯებოდა, იჩაგრებოდა და ცხოვრების ჭაპანს გაჭირვებით ეწეოდა.

ასეთი გარემოება, უღმობელი პირობები და ადგნებული ახალ-გაზღობა მას ცხოვრების ორონტრიალში აქეთ-იქით უნუგეშოთ აწყვეტებდნენ, თავის ყოველ დღიურ ტალღებში ითრევდნენ და გარყვნილ-გათახსირებული და ტალახიანი ხვრელებისაკენ მიექანებოდნენ.

(შემდეგი აქნება).

ს. პართენაშვილი.



ხმა სოფლის მასწავლებელისა.

ყველა იმ საქირ-ბოროტო საკითხებთან, რომელიც ცხოვრებამ წამოაყენა განმათავისუფლებელ მოძრაობის შემდეგ, მკიდრო კავშირი აქვს სახალხო განათლების საკითხს. ამ საკითხმა ხალხის დიდი ყურადღება მიიქცია და მართლაც დღეს მომეტებულ ნაწილს საზოგადოებისას, გარდა საქმეზე ბრმათ შემყურეებისა, ექვი აღარ ებადებათ იმაზე, რომ **განათლება** ეს ერთად-ერთი დაუთრგუნველი ძალაა, რომელიც ჰფანტავს სიბნელის ბურუსს და ანგრევს უფიცობის და შეუგნებლობის საზიზღრათ აგებულს კედლებს.

სახალხო განათლებამ, ე. ი. ხალხის ფართე მასის განვითარების გზაზე გამოყენამ, ყველა დაინტერესა; ყველას აინტერესებს ხალხის საზოგადო განათლება, რის განხორციელებასაც ზოგიერთ ადგილას შეუდგნენ და ამ გზით ქალაქ ადგილებში იწყეს კულტურული მუშა-

ობა, მოაწყეს იქ ხალხის განსათვითცნობიერებლათ სისტემატიური და დრო-გამოშვებითი ლექციები სხვა-და-სხვა მეცნიერებიდან, დაარსეს მსურველთათვის სისტემატიური საშუალო და უმაღლესი საღამოს კურსები, ისევე სხვა-დასხვა მეცნიერებიდან; დაარსეს აგრეთვე ქალაქ ადგილებში მოზრდილთათვის საღამოს სკოლები; ასე რომ ყოველივე ამის შემდეგ შეგვიძლიან თავისუფლათ ვადიაროთ, რომ ქალაქებში მოეწყო ცოტათ თუ ბევრათ კულტურული მუშაობა. მხოლოდ ამ გვარ მუშაობას მოკლებულნი არიან ეგრეთ წოდებულნი შეუგნებლობის და უფიცობის სამეფო-სოფლები. რას წარმოადგენენ ამ მხრივ დღეს სოფლები? ეს ამჟამათ საუკუნოებით გაციებულს კერას უფრო ემსგავსება, ვიდრე სხვა რამეს. აქ მთლათ შესწყდა, მოდუნდა მაჯის ცემა, რომელიც დიდებულ მომავლისათვის ჰკაფავდა ეკლიან გზას.

ჩვენ სოფლებში კულტურული მუშაობას კი არა, იმის ჩანასახსაც, აჩრდილსაც ვერა ვხედავთ. აქ ცოტადენი შეგნება-შემეცნების გზაც კი ჩახერგილია. აიღეთ, ბატონებო, მაგალითისათვის თქვენს თვალ-წინ, ან სად-ღაც შორს სოფლებში აშენებული თითო-ოროლა სკოლა, რომელიც აქნობამდის თუ არა, დღეის შემდეგ მაინც ხალხის სურვილების გამომხატველი უნდა ყოფილიყო, გაიცანით კარგათ არსებული სოფლის სკოლები და ნათლათ წარმოიდგენთ იმას, რომ დღევანდელ სოფლის სკოლებს ახალი სკოლების არაფერი შერჩა, სკოლების უფროსებმა ისევ თავიანთი პოლიტიკა გააბატონეს, სწავლება ისევ ძველი პროგრამებით დაიწყეს, და წარმოიდგინეთ ზოგიერთ ადგილებში რუსული ენის სწავლება მუნჯურ მეთოდზე შედგენილ სახელმძღვანელოებითაც კი გააჩაღეს... და ეს იმ დროს, როდესაც ჩვენ სულითა და გულით ენატრობთ ახალ სკოლას.

რამ შეუწყო ხელი სკოლების ასეთ უვარგისობას? უნდა ვადიაროთ, რომ ამას გარდა იმ თვალსაჩინო მიზეზებისა, რაიც ყველას მოეხსენება, ხელი შეუწყეს თვით ჩვენმა სახალხო სკოლის მასწავლებლებმა; და ეს არც საკვირველია, რადგან ამათში მომეტებულ ნაწილათ ისეთები არიან, რომელნიც სრულებით მოწოდებულნი არ არიან მასწავლებლობაზე და რალაც შემთხვევით კი მასწავლებლათ სოფლის სკოლაში ამოჰყვეს თავი; არიან ისეთები, რომელთაც ისე პედაგოგია და ხალხის სამსახური, ბავშვების სწავლება არ აინტერესებთ, როგორც დუქნებში ქეიფი და დროების ტარება;* არიან ისეთები, რომლებიც მთელ წლოვით ისე ატარებენ დროს, რომ ხალხს არც კი ეკარებიან და მათს კირსა და ვარამს არ იზიარებენ, არაფერს საქმეს არ უკეთებენ. არიან ისეთები, რომლებიც დირექტორ-ინსპექტორებს ქვეშ უგორდებიან, მათი სრული მონები არიან და მათ გულის მოსაგებათ—ოღონდ კი უფროსმა ის დააწინაუროს—ისინი სამარცხვინო როლსაც კისრულობენ.

* ამ გვარ დროების ტარებას რომ ვერ სჯერდებიან მასწავლებლები, შეიკრიბებიან ზოლზე 5-6 კაცი ერთად რომელიმე სკოლაში და მის მაგივრათ, რომ სკოლის საქმეებზე იქონიონ მსჯელობა, ღვინის სმაში ატარებენ დროს.

აი, ბატონებო, რა გზას ადგიან მომეტებული ნაწილი სოფლის მასწავლებლებისა სწორეთ იმ დროს, როდესაც ახალი სკოლის განხორციელებისათვის ერთგულობა, მხნეობა და გამჭრიახობა მართებთ, ყველაზე მეტათ თვითონ მასწავლებლებით.

დიახ, სკოლასთან ერთათ უნუგეშო სურათს წარმოადგენენ თვით ჩვენი მასწავლებლები.

რა უნდა გააკეთოს სოფლის მასწავლებელმა, რომელსაც თავის დანიშნულება სოფლათ არ ესმის, როცა იგი იდეურათ არ არის გამსჭვალული ამ საქმით და მას არც სათანადო მომზადება შესწევს ხალხის სამსახურისათვის. სოფლის მასწავლებელი ყოველივე ამ გვარ უნარს მოკლებულია, ის ხალხს ტყუილათ ეყვებინება*), ის ყველა სკოლებში დღევანდელს მომენტს კულტურულ მუშაობისათვის მოუმზადებელი აღმოჩნდა და მასწავლებლის ის მძიმე როლი, რომელიც ხალხის წინაშე დიდათ პასუხისმგებლოა, მისთვის შეუფერებელი გამოდგა.

დიახ, სოფლის სკოლა და მასწავლებელი სამწუხარო სურათს წარმოადგენენ, რაიც დიდათ დამაფიქრებელია, თუ საქმეს კარგათ ჩაუკვირდებით. რა უშველის? რა გზა გამოაცოცხლებს სოფლებს ამ საქმეში, რომ იქაც ცოტათი მაინც კულტურული მუშაობა დაიწყოს და ახალ სკოლას თანდათანობით საფუძველი ჩაეყაროს?

ყველას კარგათ მოეხსენება, რომ იქ, სადაც სკოლას სათანადო ცოდნით აღჭურვილი და იდეურათ მომზადებული მასწავლებელი არა ჰყავს, იქ სახალხო განათლების საქმეს წარმატება ვერ ელირება.

მე ზემოთ ვსთქვი, რომ მომეტებული ნაწილი (97%) ჩვენი სოფლის მასწავლებლებისა სრულიად მოუმზადებლები არიან მეთქი, კულტურული მუშაობა სოფლათ არ შეუძლიანთ; თუ ეს ნაკლი არ იქმნა თავიდან აცილებული ისე შეუძლებელია სახალხო სკოლების გამოცოცხლება და სოფლათ კულტურულ მუშაობის დაწყება დღევანდელ დროს.

ან სახით მაშ მასწავლებლების მომზადება საჭირო. მათი მომზადება კი როგორ შეიძლება? მათთვის სპეციალურათ პედაგოგიური კურსების გამართვით. სახალხო სკოლის მასწავლებელთათვის ამგვარ სპეციალურ კურსების გამართვაზე ეს ორი წელიწადია საზოგადოებაში აზრი წარმოიშო, მაგრამ ეს კი ვერავინ განახორციელა, და მიზეზათ იმას ასახელებდენ, რომ დღევანდელ რეაქციის დროს მოუხერხებელია ამ გვარ კურსების გამართვა.

ამ გვარი კურსების მოწყობა სახალხო სკოლის მასწავლებელთათვის საშუალოთ (ორი კვირით) განიზრახა თბილისის სახალხო უნივერსიტეტის გამგეობამაც,

*) „ეყვებინება“, ამ სიტყვას იმიტომ ვხმარობ, რომ მთავრობა თავის სკოლებში მომეტებულ ნაწილათ უვიც მასწავლებლებს ჰგზავნის, სკოლა და მასწავლებელი ხალხს არაფერ სარგებლობას აძლევს, სკოლის მთავრობა კი ოფიციალურ ქაღალდებში იხსენიებს ამა და ამ სოფელში სკოლაა დაარსებული და მასწავლებელი გვყავსო.

რაზედაც მოიწვევდა 200-300 მასწავლებელს და გამოცდილი ლექტორებიც სატახტო ქალაქებიდან უნდა მოეწვია, მაგრამ ეს ვერ განახორციელა სახალხო უნივერსიტეტმა მხოლოთ იმიტომ, რომ ხსენებულმა დაწესებულებამ 200-300 კაცისთვის უფასო თავშესაფარი და სასადილო ვერ იშოვნა.

დიახაც ამ გვარი საქმე, როგორიც არის მასწავლებელთათვის პედაგოგიური კურსების გამართვა, მუდამ და ყოველთვის დაბრკოლებას განიცდის, მაგრამ ასეთი დაბრკოლება აუცილებლათ უნდა დაიძლიოს და უშეშველათ წელსვე, ამ მკათათვის ნახევრიდან, ან ოციდან მარიაშობისთვის გასვლამდის მასწავლებელთათვის კურსები უნდა მოეწყოს; საქმეს თბილისის ყველა პროგრესიულმა დაწესებულებებმა დიდი თანაგრძნობა უნდა გამოუცხადონ. დარწმუნებულები უნდა იყვნენ, რომ მხოლოთ მასწავლებელთათვის გამართულ პედაგოგიური კურსებით (სხვა და სხვა მეცნიერებით) შეგვიძლიან მასწავლებლებში შევიტანათ ახალი აზრი, კულტურულ მუშაობისთვის მომზადდნ და უმოქმედობას მიცემული სკოლები გამოვაცოცხოთ.

კურსების გამართვა სახალხო უნივერსიტეტის გამგეობამ უნდა იკისროს, რათაც უნდა დაუჯდეს, თავისი განზრახული აზრი სისრულეში უნდა მოიყვანოს. სხვა დაწესებულებებთან ერთად კურსების გამართვაში უმახლობელესი მონაწილეობა უნივერსიტეტის გამგეობასთან ქალაქის თვით-მართველობამ უნდა მიიღოს.

როგორც მაგალითად კურსები თუ მოეწყობა 100-200 კაცისთვის ამათ ღამის გასათევათ ოთახები დასჭირდებათ, ამ გვარ უფასო ოთახების შოვნაში (მასწავლებელთა თავშესაფარებლათ გამოდგება რომელიმე გიმნაზიის შენობა, ან და უნივერსიტეტის გამგეობამ ხელმოკრეთ მიჰმართოს სასტუმრო-რესტორანების პროფ. საზოგ. თავისი შენობები დაუთმოს მასწავლებელთ) ქალაქის გამგეობა უნდა დაეხმაროს უნივერსიტეტის გამგეობას; მასთან საჭირო იქნება მასწავლებელთათვის, რადგან მცირე ჯამაგირს იღებენ და შეძლება არა აქვთ, დაარსდეს მათთვის უფასო სასადილო, ან იაფ-ფასიანი სასადილო-საჩაიე. აქაც ქალაქის გამგეობა უნდა დაეხმაროს სახალხო უნივერსიტეტის გამგეობას. უკანასკნელი დღესვე უნდა შეუდგეს ამ საქმის თადარიგს; მან საუკეთესო ლექტორები უნდა მოიწვიოს სატახტო ქალაქებიდან.

მასთან სახალხო უნივერსიტეტმა, თუ ამას სისრულეში მოიყვანს, დღესვე ამაზე ნებართვა უნდა აიღოს და განცხადებებით გაზეთების საშუალებით მიჰმართოს სახალხო მასწავლებლებს, თუ რამდენ კაცს აქვს ლექციაზე დასწრების სურვილი; როცა მასწავლებელთაგან ამ გვარ პასუხს მიიღებს, ამ რიცხვის და გვართ შეუდგება ლექციების მოწყობის მარიაშობის თვეში. ლექციების მოსმენა მასწავლებელთათვის, რასაკვირველია, უფასოთ ვერ მოხერხდება, რადგან ყველაფერი რომ მუქათ ან იაფათ მოაწყოს გამგეობამ, ლექტორებს თავიანთ

გასამრჯელო უნდათ. ამისათვის მასწავლებელნი შეიძლება თვითონ 6 მანეთი გადაიხადოს, როგორც მოსკოვში გამართულ კურსებზე იყო შარშან. მაგალითად ლექციის მოსმენაზე უკანასკნელმა 100 კაცმა რომ განაცხადოს სურვილი, შედგება ყველასგან 600 მან; ამ ფულით ლექტორების მოწვევა შეიძლება.

მასწავლებელნი, რომელნიც ხალხის სამსახურით არიან გამსპვალულნი და ცოდნა კი არ შესწევთ, ამ გზის ლექციებზე უკანასკნელ თავის გროშსაც არ დაიშურებენ.

სახალხო უნივერსიტეტის გამგეობამ არ უნდა დაიწყოს, რომ მისი კულტურული მოქმედება მარტო ქალაქადილას არ არის საკმარისი; ასეთი მოქმედება სოფლათაც უნდა გადაიტანოს, იქაც უნდა განაცხოვროს შეჩერებული აზროვნება.

კულტურული მუშაობა სოფლათ მასწავლებლის მომზადებით შეიძლება.

ვიქონიოთ იმედი, რომ სახალხო უნივერსიტეტის გამგეობა არ დაიშურებს მეცადინეობას, რათა სახალხო მასწავლებელთათვის ხსენებული კურსები მოეწყოს ამ ზაფხულსვე.

კოტე.

შ ე ნ ი შ ვ ნ ა.

(სარედაქციო კოლეგიის წევრთა ს—სა და მ—ს საპასუხოთ.)

ჩვენი ამხანაგები ერთობ ბევრს ლაპარაკობენ ლიტერატურულ რიგიანობასა, ეთიკასა და გულწრფელობაზე, და სწორეთ ამ მხრით არის საინტერესო დასახელებულ ამხანაგთა შენიშვნა-განმარტება ლ. დ-ს Pro domos sua-ს გამო (იხ. „ნაპერწყალი“ № 21). ამხ. ს-ი თავის მცირე შენიშვნაში ერთობ ენაწყლიანობს. დეჟ, იმას-ლაათოს! ჩვენ ამას ყურადღებას არ მივაქცევდით, რომ ის არ შესდგომოდეს გულუბრყვილო თავის მართლებას და ცდილობს ამავე დროს ვითომ გააბათილოს ამხ. ლ. დ-ს მიერ ნათქვამი: „ჩემს გარდა, ყველა სხვა წევრები, გაილესენ „ერთი წევრის პიროვნებაში“. ამხ. ს-ი სწერს: „სრული სიმართლეა მხოლოდ ის, რომ მე განვაცადე: დადგენილების შინაარსი არ მახსოვს. ამიტომ არ მახსოვს არც ის, აღიარებს დადგენილება კულტურულ ავტონომიას და ამის გამო მე იძულებული ვარ ხმის მიცემისაგან თავი შევიკავო მეოქვით“.

მართალია პარტიაში ნაციონალური საკითხი მიჩნეული იყო დღემდე პრაქტიკულათაც და თეორიულათაც, მაგრამ დადგენილების მიღების დროს ის ყოველთვის იჩენდა თავს, და შემდეგ დადგენილება მის შესახებ ტარდებოდა ცხოვრებაში. შეიძლება ამხ. ს-ს დავიწყებოდა დადგენილების ესა თუ ის კერძო შეხედულება და არა მთელი დედა-აზრი, მთელი ალფა და ომეგა. მაგრამ არ შეიძლებოდა მას არ ხსომებოდა თუ

რა იყო დადგენილებაში აღიარებული: ფართე საოლქო თვით-მართელობა თუ კულტურული ავტონომია. თუ დადგენილებათა ასეთი ღირებულებები ავიწყდება ამხ. ს-ს, როგორ შეუძლია იყოს ის რედაქციის კოლეგიის წევრათ და ორგანოს ხელმძღვანელათ? აშკარაა, აქ სხვაფერ არის საქმე, მაგრამ ჩავყვეთ ქვევით: „რაც შემიძლო შეთქვა ლ. დ-ს „სასარგებლოთ“, — განაცხადებს ს-ი — ეს მხოლოდ ის, რომ „არა მბონია“ — დადგენილება კულტურულ ავტონომიას აღიარებდეს მეოქვით. ხოლო მის შემდეგ კი, როდესაც „ერთმა წევრმა“ კრებაზე დადგენილების შინაარსი ზეპირათ გადმოიტყ (ერთმა წევრმა“ კი სთქვა კრებაზე, რომ ფართე ოქტობრივი თვით-მართელობა იგივე კულტურული ავტონომიაა, ნუ თუ ამან მოგცათ მეტი საბუთი?! მახსოვს! ან.) მეტი საბუთი შეიძლება ლ. დ-ს მოწინააღმდეგე აზრს მიავსებოდეს, მაგრამ მე არც ეს ვისურვე და გადაჭრით განვაცხადე: ვერ მივემსრობი ვერც ერთ მხარეს, სანამ თვით დადგენილებას არ წავიკითხავ მეოქვით. ამ ჩემ გადაწყვეტილებას მეზღოვმდე მტკიცეთ (დაახ, ბოლომდე! ან.) ვადაქი და შეურყეველთ თავს ვიკავებდი ხმის მიცემისაგან, ასე წარმიადგინეთ, მას შემდეგაც კი, როდესაც „ერთმა წევრმა“ მკაცრი სიტყვებით შეეხა ლ. დ-ს, საიდან მოჰქანდა ამ უკანასკნელს, თითქმის ამის შემდეგ უარყავი ჩემი შეხედულება და სავსებით დაგვთანხმე სტატუსს.“

აი ასეთ განმარტებებზე ნამდვილ ზე-გამოკრილია — „ფიცი მწამს და ბოლო მაკვირვებს“-ო. აიღეთ, ამხანაგო ს-ი „ცისკარი“ № 8-ი და იქ წაიკითხავთ მეხუთე სვეტზე რედაქციისაგან.

თუ თქვენ შეურყეველათ თავს იკავებდით ხმის მიცემისაგან ინციდენტის შემდეგაც, რად არაა მოხსენებული, რო ერთმა თავი შეიკავა ხმის მიცემისაგან, თუ ის კია ნათქვამი, რომ შენიშვნა ეკუთვნის რედაქციის ერთ წევრს. მაგრამ, შეიძლება, ესეც იგრე დაგავიწყდათ, როგორც დადგენილება! აშკარა კია, რომ თქვენ უარგიყვით თქვენი „შეურყეველი“ თავის დაქვრა და „მტკიცეთ“ არ დაგიცავთ თქვენი შეხედულობა, რადგან დასთანხმებისათ „ერთ წევრს“ თქვენი შეხედულებისა და რწმენის წინააღმდეგ.

ამხ. მ-აც ძალიან გაუწიწმატებია ამხ. ლ. დ-ს „Pro domos sua-ს.“ ის (მ-ა) ამბობს, ვითომ ამხ. ლ. დ-მა ვერ შეძლო კოლეგიისთვის პასუხი გაეცა და თვით კოლეგიის წევრებს აბრალებს „ერთ პიროვნებაში გათქვეფასო“. ეს სადაო კითხვისპირად კინკლაობაზე გადატანა მისთვის (ლ. დ-ს.) უკანასკნელი თავშესაფარია, საიდანაც ის თავის პოზიციის გამაგრებას აპირებს და სხვა. სწორეთ საკვირველი მსჯელობაა? ამხ. მ-ს სურს კოლეგიაზე ილაპარაკო, მას პასუხი გასცე, მხოლოდ კოლეგიის წევრებს კი არ უნდა შეეხა, თორემ ეს პირადი კინკლაობა იქმნება და სხ. ამხ. მ-ა, კოლეგია განყენებული რამ ხომ არ არის. ის შესდგება ამა თუ იმ პირებისაგან, და ის, რომ დაახასიათო აუცილებლობით საჭიროა შეეხა მის წევრებსაც. ამხ. ლ. დ-ც აგრე იქცევა სწორეთ, ის იმოდენათაა „კერძო პირთა“ მოქმედებით ღონიერესებული, რამოდენათაც ეს სადაო კითხვას ეხება და

ნათელს ფენს, აქ არავითარი კინკლაობა არაა ლ. დ-ს მხრით, მხოლოდ თქვენის მხრით კი სიტყვის ბანზე აგდება და იმ მარყუქის კისრიდან გადაძრობის სურვილია, რომელიც ცნობილ ინციდენტის დროს გადაიცვით. ამხ. მ-ს სწერს, რომ ჩემი აზრები „ერთი პირის“ სასარგებლოდ არ უარმიყვიაო, არ ვეთანხმებოდი წერილის ავტორს და არც ეხლა ვეთანხმები ერთი ადგილის გაგებაში, მაგრამ ტერმინებისათვის ბრძოლა არ იძლეოდა საბუთს წერილისთვის შენიშვნა გაგვეკეთებიაო. წერილში გამოთქმული აზრი არ ეწინააღმდეგებოდა „კომპეტენტურ დაწესებულების“. მიერ გამოთქმულ შეხედულებას და მეც ამისთვის მივეცი შენიშვნის მოხსნას ხმაო. რა გულბრიყვილობაა! განა შეიძლება ტერმინების ასე აბუჩათ აგდება?

ამიერ კავკასიის საოლქო თვითმართველობა და აქ მცხოვრებ ერთა კულტურული ავტონომია, დიან, ტერმინებია, ისე როგორც ტერმინებია „რესპუბლიკა“, „მონარქია“ და სხ. ამ ტერმინებს ერთი მეორის ნაცვლათ ხმარება რომ არ შეიძლება, ეს ყველამ იცის. ეს იცის ალბათ მ—ამაც.

შართე ოლქობრივი თვით-მართველობა და კულტურული ავტონომია, რომ ერთი და იგივე მცნება იყოს, ეს აგრე იქმნებოდა აღნიშნული „კომპეტენტურ დაწესებულების“ დადგენილებაშიც. მაგრამ ყველამ იცის, რომ კულტურულ ავტონომიას თხოულობს „ბუნდი“ და ფართე ოლქობრივ თვით-მართველობას ამიერ კავკასიისათვის რუს. სოციალ-დემოკრატია. ეს იცის ალბათ მ—ამაც, ორგანოს ხელმძღვანელმა. მაშასადამე „ერთი წევრის“ განმარტება არ იყო კომპეტენტურ დაწესებულების განმარტება და ის არ აძლევდა კოლეგიის წევრთ საბუთს, რომ მას დასთანხმებოდენ, მგონი, ამხ. მ-ს ახსოვს თუ რა დიდი კამათი გამოიწვია მესამე ღუმეში აღრესის ერთმა ტერმინმა „თვითმპყრობელობა“ და რა დიდი ზეიმი იდღესასწაულეს კადეტებმა, როდესაც ეს ტერმინი ამოდებულ იქმნა. არა გვგონია, ვინმე გარდა უკიდურეს მემარჯვენეებისა—ღუმის დასახელეზულ დებატებს „პირად კინკლაობათ“ სთვლიდეს.

ამხ. მ-ს ამბობს, ცხარე სიტყვები აქ მოსატანი არ არისო, მე ვიცავდი კომპეტენტური დაწესებულების შეხედულებას და არა ერთი პირისასო. კარგი და პატიოსანი. მაგრამ კომპეტენტური დაწესებულების დადგენილებაში დიოგენის ფანრით, რომ ეძებოთ „კულტურული ავტონომია“ ვერ იპოვით, ეს იყო მხოლოდ იმ წერილში, რომელსაც „ერთი წევრი“ იცავდა; აშკარაა, დადგენილებას გადაუხვიეთ და მიემხრეთ „ერთ წევრს“ „ცხარე სიტყვების შემდეგ“.

ამბობთ, რომ, ლ. დ—ს შენიშვნის თავიდანვე წინააღმდეგი ვიყავიო; საკვირველია, ამხ. მ—მ იცოდა, რომ „ქართველი ხალხი და ნაციონალიზმ“—ში გამოთქმული აზრი არ ეთანხმებოდა დადგენილების შეხედულებას, მაგრამ ის მიემხრო ერთი „წევრის აზრს“ და

წინააღმდეგი იყო ლ. დ—ს შენიშვნის, როდესაც მას როგორც კოლეგიის წევრს და პასუხის მგებელს დადგენილებისათვის, არ ჰქონდა ამის უფლება; ამხ. მ—ს დადგენილება არ ახსოვდა და ის თავს იკერდა, მხოლოდ ცხარე სიტყვების შემდეგ ერთიცადა მეორეც ემხრო „ერთ წევრს“ თავიანთ აზრების წინააღმდეგ როგორც ეს ზევით დავინახეთ,—აი, სწორედ ეს არის ერთის პიროვნებაში გაღესვა, რომელიც ამხ. ლ. დ—ს აღნიშნა.

დასასრულ, არ შემიძლია არ შევნიშნო X-ს, რომელიც გაიძახოდა, რომ მე შევნიშნე ლ. დ-ს, რომ მას შენიშვნა გაეკეთებია თავის წერილისათვის „უფლები რაღისტებთან“ კამათის შესახებო, მაგრამ მან, როგორც რედაქციაში გაბატონებულმა პირმა არ მიაქცია ყურადღებაო. კარგი და პატიოსანი. ვეკითხები ამხ. X-ს და მთელ კოლეგიას, სადაც ეხლა ლ. დ-ლი არ არის, რათ არ გაუკეთეს შენიშვნა ამხ. შვარცის ფელეტონს „ნაციონალური კითხვა და მუშათა კლასი“? მე-9-ე (ენა პერ. №23) წერილში შვარცს მოჰყავს ბრიუმერის პარტიტაგის რეზოლიუცია და გადაქრით აღიარებს, რომ ავსტრო-უნგრეთელ სოციალ-დემოკრატების ნაციონალური პროგრამა შეიძლება საერთო მუშათა კლასის სოციალურ პროგრამას შეუერთო და ნაციონალური შინაარსი თავის კლასთა ბრძოლის საბოლოო მომანს დაუკავშიროს და ასე ამ სახით საერთაშორისო მუშათა კლასის ნაციონალურ პროგრამათ გამოვიტანოთ (ხაზს ჩვენ უსვამთ). რას ამბობს ეს პროგრამა? ეს პროგრამა აღიარებს ნაციონალურ-კულტურულ ავტონომიას ერთ სახელმწიფოს ფარგლებში მცხოვრებ სხვა და სხვა ერებისას და მათს ფედერატიულათ შეკავშირებას და შეთანხმებას... რომ ამის მგზავსი არაფერი არ არის დადგენილებაში და ეს ა'ც „ერთ წევრს“ დაუდასტურებია, მაგრამ შეიძლება იმიტომ არ უკეთებთ შენიშვნას, რომ ის „ერთი წევრი“ დღეს აქ აღარ არის!..

არისტოტილი.

მოითხოვთ ყველგან

საუბათისო ქარხნის წყალი

მ. ლალიძის ჭამხ.

ბაზო და არომატი მუშაინი ამხ.

ქარხანასთან დეკორატიული მცენარეებით ლამაზთ მორთული აივანია, სადაც შეიძლება ყინულივით ციფ წყლის სმა.

ქარხნს იმეფება გოლოვინის პროსპექტზე, მანათაშევის სახლში. ტელეფონი 411.

რედაქტორ-გამომცემელი ანთ. გიორგობიანი.